

Stjórnartíðindi

2005 - B-deild - B1-7

Útgáfa 1.0 af rafræna skjalinu

Þetta PDF skjal er hluti afraksturs skönnunar á prentuðum eintökum af Stjórnartíðindum. Markmið þessarar útgáfu er að veita almenningi færi á að eignast sitt eigið eintak af prentuðum Stjórnartíðindum án endurgjalds. Hvorki dómsmálaráðuneytið né önnur stjórnvöld standa að gerð skjals þessa umfram það að hafa útvegað höfundu skjalsins prenteintök af ritinu.

Skjalið er upprunalega birt á vefnum <https://urlausnir.is>. Þar má finna rafrænar útgáfur hinna bindanna og verða nýrri útgáfur af skjölunum í boði þar.

Takmörkun ábyrgðar

Höfundur skjals þessa afsalar sér allri ábyrgð, að því marki sem lög heimila, vegna beinnar og/eða óbeinnar notkunar skjalsins sjálfs eða afurða sem af því leiðir. Þó stefnt hafi verið að því markmiði að skjalið endurspegli sem best innihald upprunalegu bindanna er hvorki hægt að tryggja né ábyrgjast að það hafi tekist. Framangreint á einnig við um efnislegt innihald prentuðu eintakanna sem skönnuð voru.

Höfundaréttur

Samkvæmt 9. gr. núverandi höfundalaga, nr. 73/1972, njóta landslög og önnur áþekk gögn gerð af opinberri hálfu, ekki verndar höfundalaga.

Hvers kyns höfundaréttur sem höfundur skjalsins gæti hafa skapað sér til handa með skönnuninni sjálfri eða öðru framlagi sínu til sköpunar þess, skal vera meðhöndlaður í samræmi við Creative Commons Zero höfundaleyfið (CC0 1.0 Universal eða síðari útgáfa þess).

Ábendingar

Séu ábendingar um mögulegar úrbætur á skjalinu er hægt að koma þeim á framfæri við höfund þess.

Höfundur skjalsins: Svavar Kjarrval (svavar@kjarrval.is)

Stjórnartíðindi

B 1-7

Nr. 1-54

2005

Efnisyfirlit B 1–7 2005

Nr.	Dagsetning	Fyrirsögn	Blaðsíðutal
1	4. jan.	Auglýsing um deiliskipulag á Akranesi	1
2	4. jan.	Auglýsing um staðfestingu á aðalskipulagi Sveitarfélagsins Ölf- uss 2002-2014	2
3	5. jan.	Auglýsing um breytingu á gjaldskrá Skagafjarðarveitna, nr. 1053, 14. desember 2004	2
4	4. jan.	Auglýsing um breytingu á deiliskipulagsáætlunum í Reykjavík ..	3
5	7. jan.	Reglugerð um breytingu á reglugerð nr. 993/2004 um fram- kvæmd samnings um alþjóðaverslun með tegundir villtra dýra og plantna sem eru í útrýmingarhættu	4
6	10. jan.	Auglýsing um breytingar á deiliskipulagsáætlunum í Reykjavík og auglýsing um afturköllun á breytingu á deiliskipulagi í Reykjavík	4-5
7	7. jan.	Reglugerð um breyting á reglugerð nr. 555/2004, um greiðslu barnabóta	6
8	7. jan.	Auglýsing um breytingu á aðalskipulagi Reykjavíkur 2001-2024, Mýrargata	6-7
9	7. jan.	Auglýsing um breytingu á aðalskipulagi Akraness 1992-2012, Vallarbraut	7
10	12. jan.	Auglýsing um deiliskipulag á Akranesi	8
11	12. jan.	Auglýsing um breytingu á deiliskipulagi verksmiðjusvæðis á Gleráreyrum, Akureyri	9
12	13. jan.	Auglýsing um breytingar á deiliskipulagsáætlunum í Reykjavík	9
13	13. jan.	Auglýsing um breytingu á aðalskipulagi Grindavíkur 2000-2020, svæði við Víkurbraut og Austurveg	10
14	13. jan.	Auglýsing um breytingu á aðalskipulagi Hveragerðis 1993-2013, Sunnumörk	10
15	6. jan.	Reglur um reiknað endurgjald á tekjuárinu 2005	11-19
16	4. jan.	Auglýsing um breytingu á deiliskipulagi Bakkagerðis 1 í Fjarða- byggð	19
17	3. jan.	Reglugerð um breytingu á reglugerð um öryggi farþegaskipa í innanlandssiglingum, nr. 666/2001, með síðari breytingum	20-24
18	3. jan.	Auglýsing um breytingu á deiliskipulagi við Langholt á Akureyri	24
19	5. jan.	Auglýsing um deiliskipulag í Kópavogi	25
20	6. jan.	Reglur um skattmat vegna tekna af landbúnaði árið 2005	25-26
21	3. jan.	Reglugerð um váttryggingar björgunarsveita	26-28
22	4. jan.	Reglugerð um breytingu á reglugerð nr. 744/2003 um notkun og bann við notkun tiltekinna efna við meðhöndlun á textíl- og leðurvörum	28-29
23	6. jan.	Auglýsing ríkisskattstjóra nr. 1/2005 um skilaskyldu og skila- fresti fyrir launaskýrslur o.fl. vegna skattframtals 2005	29-30
24	4. jan.	Auglýsing um útgáfu starfsleyfa fyrir atvinnurekstur sem getur haft í för með sér mengun	30
25	10. jan.	Reglugerð um breytingu á reglugerð nr. 1074, 29. desember 2004, um veiðar íslenskra skipa á Norðurishafsporski 2005, skv. samningi milli Íslands, Noregs og Rússlands	31
26	3. jan.	Reglugerð um breytingu á reglugerð um próf til að öðlast réttindi til að vera héraðsdómslögmaður, nr. 774 18. október 2000	31-32

Framhald á 3. kápasiðu.

STJÓRNARTÍÐINDI B 1 – 2005

4. janúar 2005

1

Nr. 1

AUGLÝSING

um deiliskipulag á Akranesi.

Breyting á deiliskipulagi Flatahverfis, klasa 1 og 2, Eyrarflöt 4.

Á fundi bæjarstjórnar Akraness sem haldinn var þann 14. desember 2004, var samþykkt deiliskipulagsbreyting í klasa 1 og 2 í Flatahverfi á Akranesi.

Breytingin felst í fjölgun íbúða úr 6 í 8 og breikkun á byggingareit um 1,60 m þannig að hann verður 13,6 m. Bifreiðastæði verða 16 þar af eitt fyrir fatlaða.

Framangreind deiliskipulagsbreyting var grenndarkynnt skv. 2. mgr. 26. gr. skipulags- og byggingarlaga nr. 73/1997 og hefur hlotið þá meðferð sem skipulags- og byggingarlög mæla fyrir um.

Deiliskipulagsbreytingin tekur þegar gildi.

Akranesi, 4. janúar 2005.

Sviðsstjóri tækni- og umhverfissviðs Akraneskaupstaðar,

Þorvaldur Vestmann.

STJÓRNARTÍÐINDI B 2 – 2005

Nr. 2

2

4. janúar 2005

AUGLÝSING

um staðfestingu á aðalskipulagi Sveitarfélagsins Ölfuss 2002-2014.

Samkvæmt 19. gr. skipulags- og byggingarlaga nr. 73/1997 hefur ráðherra þann 4. janúar 2005 staðfest aðalskipulag Sveitarfélagsins Ölfuss 2002-2014.

Uppdrættir og greinargerð hafa hlotið þá meðferð sem skipulags- og byggingarlög mæla fyrir um. Sveitarstjórn Sveitarfélagsins Ölfuss hefur samþykkt aðalskipulagsáætlunina og Skipulagsstofnun afgreitt hana til staðfestingar.

Aðalskipulagið öðlast þegar gildi. Jafnframt fellur úr gildi aðalskipulag Ölfuss 1997-2004 frá 18. október 1999, með síðari breytingum.

Umhverfissráðuneytinu, 4. janúar 2005.

Sigríður Anna Þórðardóttir.

Magnús Jóhannesson.

Nr. 3

5. janúar 2005

AUGLÝSING

um breytingu á gjaldskrá Skagafjarðarveitna, nr. 1053, 14. desember 2004.

Lokamálsliður lokamálsgreinar gjaldskrárinnar breytist og orðist svo:
Jafnframt er úr gildi felld eldri gjaldskrá sama efnis nr. 937, 9. desember 2003.

Auglýsing þessi öðlast þegar gildi.

Iðnaðarráðuneytinu, 5. janúar 2005.

Valgerður Sverrisdóttir.

Kristján Skarphéðinsson.

AUGLÝSING

um breytingu á deiliskipulagsáætlunum í Reykjavík.

Þorlaksgeisli 9.

Í samræmi við skipulags- og byggingarlög, samþykkti borgarstjórn Reykjavíkur, þann 7. desember 2004 breytingu á deiliskipulagi fyrir Grafarholt austur, vegna lóðarinnar Þorlaksgeisla 9.

Uppdrættir hafa hlotið þá meðferð sem skipulags- og byggingarlög mæla fyrir um. Breytingin öðlast þegar gildi.

Skúlatúnsreitir eystri, Vélamiðstöðvarreitir.

Í samræmi við skipulags- og byggingarlög, samþykkti borgarráð Reykjavíkur, þann 23. september 2004 breytingu á deiliskipulagi fyrir Skúlatúnsreit eystri, Vélamiðstöðvarreit.

Uppdrættir hafa hlotið þá meðferð sem skipulags- og byggingarlög mæla fyrir um. Breytingin öðlast þegar gildi.

Reykjavík, 4. janúar 2005.

Helga Bragadóttir skipulagsfulltrúi.

STJÓRNARTÍÐINDI B 3 – 2005

Nr. 5

4

7. janúar 2005

REGLUGERÐ

**um breytingu á reglugerð nr. 993/2004 um framkvæmd
sannings um alþjóðaverslun með tegundir villtra dýra og plantna
sem eru í útrýmingarhættu.**

1. gr.

Við reglugerðina bætist ákvæði til bráðabirgða, svohljóðandi:
Ákvæði 8. gr. reglugerðarinnar öðlast ekki gildi fyrir 1. apríl 2005.

2. gr.

Reglugerð þessi sem sett er samkvæmt 4. gr. laga um framkvæmd sannings um alþjóðaverslun með tegundir villtra dýra og plantna sem eru í útrýmingarhættu, nr. 85/2000, öðlast þegar gildi.

Umhverfissráðuneytinu, 7. janúar 2005.

F. h. r.

Magnús Jóhannesson.

Sigríður Auður Arnardóttir.

Nr. 6

10. janúar 2005

AUGLÝSING

**um breytingar á deiliskipulagsáætlunum í Reykjavík
og auglýsing um afturköllun á breytingu
á deiliskipulagi í Reykjavík.**

Nethylur 3.

Í samræmi við skipulags- og byggingarlög samþykkti skipulags- og byggingarnefnd Reykjavíkur þann 24. nóvember 2004 breytingu á deiliskipulagi fyrir Nethyl 3.

Uppdrættir hafa hlotið þá meðferð sem skipulags- og byggingarlög mæla fyrir um. Breytingin öðlast þegar gildi.

Depluhólar 10.

Í samræmi við skipulags- og byggingarlög samþykkti skipulags- og byggingarnefnd Reykjavíkur þann 24. nóvember 2004 breytingu á deiliskipulagi fyrir Depluhóla 10.

Uppdrættir hafa hlotið þá meðferð sem skipulags- og byggingarlög mæla fyrir um. Breytingin öðlast þegar gildi.

Borgartún 17-21 (afturköllun á auglýsingu um gildistöku).

Auglýsing um gildistöku deiliskipulagsbreytingar fyrir framangreindar lóðir, sem birt var í B-deild Stjórnartíðinda þann 28. júlí 2004 í auglýsingu nr. 649/2004, er hér með afturkölluð þar sem breytingin var felld úr gildi sbr. samþykkt borgarráðs frá 7. október 2004.

Skipulagsfulltrúi Reykjavíkur, 10. janúar 2005.

Helga Bragadóttir.

STJÓRNARTÍÐINDI B 4 – 2005

Nr. 7

6

7. janúar 2005

REGLUGERÐ

um breyting á reglugerð nr. 555/2004, um greiðslu barnabóta.

1. gr.

Eftirfarandi breytingar verða á 3. gr. reglugerðarinnar:

a. Í stað „36.308“ í 1. mgr. kemur: 37.397.

b. Í stað „123.254“, „146.713“, „205.288“, „210.584“ í 2. mgr. kemur: 126.952, 151.114, 211.447 og 216.902.

2. gr.

Í stað „1.444.139“ og „722.070“ í 1. mgr. 4. gr. kemur: 1.487.463 og 743.732.

3. gr.

Reglugerð þessi, sem sett er samkvæmt heimild í A-lið 68. gr. og 121. gr. laga nr. 90/2003, um tekjuskatt og eignarskatt, með síðari breytingum, öðlast þegar gildi.

Fjármálaráðuneytinu, 7. janúar 2005.

F. h. r.

Marianna Jónasdóttir.

Guðmundur Thorlacius.

Nr. 8

7. janúar 2005

AUGLÝSING

um breytingu á aðalskipulagi Reykjavíkur 2001-2024, Mýrargata.

Samkvæmt 19. gr. skipulags- og byggingarlaga nr. 73/1997 hefur ráðherra þann 7. janúar 2005 staðfest breytingu á aðalskipulagi Reykjavíkur 2001-2024, frá 20. desember 2002.

Breytingin felst í því að hluti íbúðarsvæðis sunnan Mýrargötu, milli Ánanausta og Ægisgötu, breytist í blandaða byggð. Ennfremur breytist hluti hafnar- og athafnasvæðis norðan Mýrargötu í blandaða byggð.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki borgarráðs Reykjavíkur. Skipulagsstofnun hefur afgreitt erindið til staðfestingar. Breytingin öðlast þegar gildi.

Umhverfissráðuneytinu, 7. janúar 2005.

F. h. r.

Magnús Jóhannesson.

Ingibjörg Halldórsdóttir.

AUGLÝSING

um breytingu á aðalskipulagi Akraness 1992-2012, Vallarbraut.

Samkvæmt 2. mgr. 21. gr. skipulags- og byggingarlaga nr. 73/1997 hefur ráðherra þann 7. janúar 2005 staðfest breytingu á aðalskipulagi Akraness 1992-2012 frá 2. júní 1995.

Breytingin felst í því að hluti svæðis fyrir þjónustustofnanir (leikskólalóð) sem liggur að Vallarbraut breytist í íbúðarsvæði fyrir raðhúsalóðir.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Akraness. Skipulagsstofnun hefur afgreitt erindið til staðfestingar. Breytingin öðlast þegar gildi.

Umhverfissráðuneytinu, 7. janúar 2005.

F. h. r.

Magnús Jóhannesson.

Ingibjörg Halldórsdóttir.

STJÓRNARTÍÐINDI B 5 – 2005

Nr. 10

8

12. janúar 2005

AUGLÝSING

um deiliskipulag á Akranesi.

Breyting á deiliskipulagi Flatahverfis, klasa 9, Smáraflöt 11.

Á fundi bæjarstjórnar Akraness sem haldinn var þann 9. nóvember 2004, var samþykkt deiliskipulagsbreyting í klasa 9 í Flatahverfi á Akranesi.

Breytingin felst í að fella niður göngustíg og stækka lóðina nr. 11 við Smáraflöt úr 409,6 m² í 539 m². Nýtingarhlutfall verður 0,30-0,44.

Framangreind deiliskipulagsbreyting var grenndarkynnt skv. 2. mgr. 26. gr. skipulags- og byggingarlaga nr. 73/1997 og hefur hlotið þá meðferð sem skipulags- og byggingarlög mæla fyrir um.

Deiliskipulagsbreytingin tekur þegar gildi.

Akranesi, 12. janúar 2005.

Sviðsstjóri tækni- og umhverfissviðs Akraneskaupstaðar,

Þorvaldur Vestmann.

STJÓRNARTÍÐINDI B 6 – 2005

12. janúar 2005

9

Nr. 11

AUGLÝSING

um breytingu á deiliskipulagi verksmiðjувæðis á Gleráreyrum, Akureyri.

Bæjarstjórn Akureyrar hefur þann 14. desember 2004 í samræmi við 2. mgr. 26. gr. skipulags- og byggingarlaga samþykkt breytingu á deiliskipulagi verksmiðjувæðis á Gleráreyrum. Breytingin felst í því að við bætist byggingarreitur fyrir tengibyggingu milli eignarhluta IH og II á lóðinni Dalsbraut 1. Bæjarstjórn hefur lýst því yfir að hún muni bæta það tjón sem breytingin kunnir að valda einstökum aðilum.

Ofangreind deiliskipulagsbreyting hefur hlotið þá meðferð sem skipulags- og byggingarlög mæla fyrir um og öðlast hún þegar gildi.

F.h. Akureyrarbæjar, 12. janúar 2005.

Bjarni Reykjalín, skipulags- og byggingarfulltrúi.

13. janúar 2005

Nr. 12

AUGLÝSING

um breytingar á deiliskipulagsáætlunum í Reykjavík.

Gufuneskirkjugarður.

Í samræmi við skipulags- og byggingarlög, samþykkti borgarráð Reykjavíkur, þann 22. júní 2004 breytingu á deiliskipulagi fyrir Gufuneskirkjugarð.

Uppdrættir hafa hlotið þá meðferð sem skipulags- og byggingarlög mæla fyrir um. Breytingin öðlast þegar gildi.

Skógarhlíð 18.

Í samræmi við skipulags- og byggingarlög, samþykkti skipulags- og byggingarnefnd Reykjavíkur, þann 8. desember 2004 breytingu á deiliskipulagi fyrir Skógarhlíð 18.

Uppdrættir hafa hlotið þá meðferð sem skipulags- og byggingarlög mæla fyrir um. Breytingin öðlast þegar gildi.

Skipulagsfulltrúi Reykjavíkur, 13. janúar 2005.

Helga Bragadóttir.

Gutenberg

AUGLÝSING

um breytingu á aðalskipulagi Grindavíkur 2000-2020, svæði við Víkurbraut og Austurveg.

Samkvæmt 2. mgr. 21. gr. skipulags- og byggingarlaga nr. 73/1997 hefur ráðherra þann 13. janúar 2005 staðfest breytingu á aðalskipulagi Grindavíkur 2000-2020 frá 17. desember 2002.

Breytingin felst í eftirfarandi:

- Vegur frá Víkurbraut að Austuvegi færist til norðurs.
- Þjónustusvæði S4 færist suður nær íþróttasvæði.
- Þjónustusvæði S5 austan við S4 færist til norðurs.
- Lögun íbúðarsvæðis breytist við færslu vegar.
- Þjónustusvæði við Víkurbraut minnkar.
- Blandað svæði fyrir íbúðir og þjónustu við Víkurbraut fellur út og verður að íbúðarsvæði.
- Nýtt íbúðarsvæði bætist við sunnan við veg að merktu svæði S4.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Grindavíkur. Skipulagsstofnun hefur afgreitt erindið til staðfestingar. Breytingin öðlast þegar gildi.

Umhverfissráðuneytinu, 13. janúar 2005.

F. h. r.

Magnús Jóhannesson.

Ingibjörg Halldórsdóttir.

AUGLÝSING

um breytingu á aðalskipulagi Hveragerðis 1993-2013, Sunnumörk.

Samkvæmt 19. gr. skipulags- og byggingarlaga nr. 73/1997 hefur ráðherra þann 13. janúar 2005 staðfest breytingu á aðalskipulagi Hveragerðis 1993-2013, frá 19. maí 1994.

Breytingin felst í því að landnotkun á 11 ha svæði sem afmarkast af Breiðumörk, Austurmörk, Grænumörk og óbyggðu svæði norðan Hringveggar breytist úr iðnaðarsvæði, verslunar- og þjónustusvæði og blönduðu iðnaðar- og verslunar- og þjónustusvæði í svæði með blandaðri landnotkun fyrir verslun, þjónustustofnanir og athafnasvæði. Einnig breytist Sunnumörk úr húsagötu í tengibraut og breytist lega hennar á austurhluta svæðisins.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Hveragerðis. Skipulagsstofnun hefur afgreitt erindið til staðfestingar. Breytingin öðlast þegar gildi.

Umhverfissráðuneytinu, 13. janúar 2005.

F. h. r.

Magnús Jóhannesson.

Ingibjörg Halldórsdóttir.

REGLUR

um reiknað endurgjald á tekjuárinu 2005.

Eftirfarandi reglur um reiknað endurgjald eru settar skv. 3. málsl. 1. mgr. 58. gr. laga um tekjuskatt og eignarskatt vegna starfa á árinu 2005 og fyrir álagningu gjalda á árinu 2006. Reglur þessar eru til viðmiðunar fyrir reiknað endurgjald fyrir vinnu manns, sem vinnur við eigin atvinnurekstur eða sjálfstæða starfsemi, eða starfar á vegum sameignarfélags, einkahlutafélags eða hlutafélags eða á vegum tengdra félaga (dótturfélaga, hlutdeildarfélaga) þar sem hann hefur ráðandi stöðu vegna eignar- eða stjórnunaraðildar ef launatekjur af því starfi teljast vera lægri en hann hefði haft ef unnið hefði verið fyrir ótengdan eða óskyldan aðila.

1. Almenn.

Samkvæmt 2. mgr. 1. tölul. A-liðar 7. gr. laga nr. 90/2003, um tekjuskatt og eignarskatt, með síðari breytingum, skal maður, sem vinnur við eigin atvinnurekstur eða sjálfstæða starfsemi reikna sér til tekna eigi lægra endurgjald fyrir starfið en hann hefði haft sem laun fyrir það hjá óskyldum eða ótengdum aðila. Sama gildir um vinnu maka manns og barna þeirra fyrir vinnu sem þau inna af hendi við atvinnurekstur eða sjálfstæða starfsemi hans.

Á sama hátt skal maður reikna sér til tekna sem reiknað endurgjald mismun á greiddum launum fyrir vinnu við atvinnurekstur eða starfsemi sem rekin er í sameign með öðrum eða við atvinnurekstur lögaðila og reiknuðu endurgjaldi sem honum hefði borið að reikna sér hefði starfið verið innt af hendi við eigin atvinnurekstur eða sjálfstæða starfsemi eins og greinir hér að framan, enda teljist hann hafa ráðandi stöðu vegna eignar- eða stjórnunaraðildar. Á sama hátt skal reikna endurgjald fyrir starf sem maki manns, barn hans, venslamaður hans eða nákominn ættingi innir af hendi fyrir framangreinda aðila.

Samkvæmt ákvæðum 58. gr. laga um tekjuskatt og eignarskatt með síðari breytingum skal fjármálaráðherra að fengnum tillögum ríkisskattstjóra setja við upphaf árs reglur um reiknað endurgjald fyrir vinnu við eigin atvinnurekstur og ákveða viðmiðunarfjárhæðir fyrir lágmark þess með hliðsjón af raunverulegum tekjum fyrir sambærileg störf. Reglur um reiknað endurgjald og viðmiðunarfjárhæðirnar gilda einnig ef laun sem greidd eru vegna vinnu við atvinnurekstur eða starfsemi, sem rekin er í sameign með öðrum eða við atvinnurekstur lögaðila, eru lægri en ætla mætti að þau væru ef vinnan væri innt af hendi fyrir óskyldan eða ótengdan aðila.

Tengsl milli launþegans og vinnuveitandans til þess að reikna skuli endurgjald samkvæmt reglum þessum teljast vera fyrir hendi þegar sá sem launin tekur eða ætti að taka telst vera ráðandi aðili vegna eignar- eða stjórnunaraðildar. Maður telst ráðandi aðili ef hann sjálfur, maki hans, venslamaður eða annar nátengdur aðili er í stjórn félagsins eða framkvæmdastjórn þess eða ef hann, einn eða ásamt maka eða öðrum tengda- og venslamönnum eða samstarfsmönnum, á það stóran hluta í félaginu að ætla megi að það hafi áhrif á ákvörðun launanna. Tengsl þessi teljast á sama hátt vera fyrir hendi ef um er að ræða óbeina eignar- eða stjórnunaraðild svo sem starfi maður hjá dótturfélagi eða hlutdeildarfélagi félags sem hann hefur ráðandi stöðu í.

Endurgjald, sem manni ber að reikna sér, sbr. framangreint, skal hann ákveða þannig að það sé eigi lægra en hann hefði haft sem laun fyrir sama starf hjá óskyldum eða ótengdum aðila. Skal sú fjárhæð að jafnaði ekki vera lægri en viðmiðunarfjárhæð sú sem ákveðin er í reglum þessum en getur verið hærri eða lægri eftir því sem tilefni er til með hliðsjón af raunverulega greiddum launum fyrir sambærileg störf hjá óskyldum eða ótengdum aðila, umfangi og eðli starfseminnar og starfs hans, taxta fyrir útselda vinnu í starfsgreininni, afkomu rekstrarins og fé sem bundið var í rekstrinum í ársbyrjun.

Reiknað endurgjald manns, sem selur út eigin vinnu eða vinnu starfsmanna sinna, skal aldrei vera lægra en sem svarar til launa starfsmanns hans við reksturinn, með sambærilega menntun, reynslu og vinnuframlag.

Viðmiðunarfjárhæðir eru miðaðar við þá tegund atvinnurekstrar eða starfsemi sem framteljandi stendur fyrir og eru lágmarksfjárhæðir sé viðkomandi ekki í öðru launuðu föstu starfi eða starfi sem reikna skal endurgjald fyrir. Sé svo er heimilt að lækka viðmiðunarfjárhæðirnar um þá fjárhæð sem laun eða reiknað endurgjald fyrir hitt starfið er umfram 50% af viðmiðunarfjárhæðinni þó þannig að það verði aldrei lægra en 25% af viðmiðunarfjárhæðinni að viðbætti þeirri hækkun sem leiða kann af næstu málsgrein hér á undan.

Þegar hjón eða samskattað sambúðarfólk standa saman að atvinnurekstri eða sjálfstæðri starfsemi skal hvort hjóna um sig ákvarða sér reiknað endurgjald í samræmi við reglur þessar og skiptist rekstrarhagnaður milli þeirra í hlutfalli við reiknað endurgjald þeirra. Vinni það hjóna, sem ekki stendur fyrir atvinnurekstrinum, með maka sínum skal meta því reiknað endurgjald eins og það hafi verið unnið af óskyldum eða ótengdum aðila og telst rekstrarhagnaður þá vera tekjur þess sem stendur fyrir atvinnurekstrinum.

2. Staðgreiðsla af reiknuðu endurgjaldi.

Samkvæmt 6. gr. laga um staðgreiðslu opinberra gjalda ber manni, sem reikna skal sér endurgjald vegna vinnu við eigin atvinnurekstur eða sjálfstæða starfsemi, að tilkynna skattstjóra í skattumdæmi sínu um áætlaðar tekjur sínar á staðgreiðsluárinu í samræmi við reglur fjármálaráðherra um reiknað endurgjald og standa skil á staðgreiðslu af þeirri fjárhæð eins og um greidd laun hafi verið að ræða. Sama á við ef maki eða annar sá sem fellur undir reglur þessar vinnur við atvinnureksturinn

Samkvæmt sömu lagagrein skal lögaðili ákveða manni, sem hjá honum starfar og fellur undir reglur þessar, endurgjald fyrir vinnu hans ef þau laun, sem honum eru greidd eru lægri en reiknað endurgjald samkvæmt reglunum og standa skil á staðgreiðslu af þeirri fjárhæð.

Telji skattstjóri að áætlun manns, sem starfar við eigin atvinnurekstur eða sjálfstæða starfsemi eða ákvörðun lögaðila um endurgjald manns sem hjá honum starfar og fellur undir reglur þessar séu á staðgreiðsluári lægri en lágmark viðmiðunarfjárhæða samkvæmt reglum fjármálaráðherra, skal hann ákveða endurgjaldið og staðgreiðslu af því í samræmi við reglurnar. Skattstjóri má aðeins víkja frá lágmarki reiknaðs endurgjalds samkvæmt reglum fjármálaráðherra á grundvelli skriflegra skýringa og nauðsynlegra gagna frá framteljanda og/eða launagreiðanda.

Í upplýsingum manns sem starfar við eigin atvinnurekstur eða sjálfstæða starfsemi og óskar eftir að honum sé ákveðið lægra endurgjald en svarar til viðmiðunarfjárhæða samkvæmt reglum þessum skulu koma fram upplýsingar um umfang og eðli starfseminnar og starfs hans, upplýsingar um önnur launuð störf og eftir því sem við á upplýsingar um verð á útseldri vinnu hans eða starfsmanna sem vinna í þjónustu hans. Hann skal ennfremur gera grein fyrir afkomu rekstrarins á síðastliðnu ári og leggja fram áætlun um rekstur og tekjur hans á staðgreiðsluárinu, svo og gera grein fyrir hvaða fjármagn sé bundið í rekstrinum.

Maður sem starfar hjá félagi og óskar eftir að honum sé ákveðið lægra endurgjald en svarar til viðmiðunarfjárhæða samkvæmt 4. kafla í reglum þessum skal leggja fram hlið-

staðar upplýsingar um umfang og eðli starfseminnar og starfs hans, um önnur launúð störf sín og eftir því sem við á upplýsingar um verð á útseldri vinnu hans og annarra starfsmanna sem vinna hjá félaginu.

Staðgreiðsla af reiknuðu endurgjaldi er bráðabirgðagreiðsla tekjuskatts og útsvars á tekjuári. Endanleg ákvörðun reiknaðs endurgjalds fer fram við endurskoðun skattframtala og skal skattstjóri þá hækka reiknað endurgjald frá ákvörðun þess vegna staðgreiðslu á tekjuárinu, komi þá í ljós að það hafi ekki verið í samræmi við reglur þessar.

Hafi maður svo lágt reiknað endurgjald af starfsemi samkvæmt samþykktri áætlun að staðgreiðsla hans sjálfs eða vegna hans og maka hans verði engin á árinu getur hann sótt um til skattstjóra að skila „Skilagrein vegna reiknaðs endurgjalds“ einu sinni á ári. Sé umsóknin samþykkt þarf að leggja skattkortin inn hjá skattstjóra. Sé áætlað reiknað endurgjald af starfsemi innan við 215.000 krónur á árinu 2005 fellur það utan staðgreiðslu.

3. Reiknað endurgjald við álagningu.

Framteljandi, sem reglur þessar taka til, skal á framtali sínu reikna sér endurgjald eigi lægra en viðmiðunarfjárhæðir í 4. kafla og að teknu tilliti til afkomu rekstrar, eigin fjár í rekstri og taxta fyrir útselda vinnu og launa eða reiknaðs endurgjalds í öðru starfi, sbr. 1. kafla.

Telji framteljandi á framtali sínu að reiknað endurgjald, og eftir atvikum laun hans, eigi að vera lægra en sú fjárhæð sem staðgreiðsla var greidd af eða lægra en viðmiðunarfjárhæð skv. 4. kafla í reglum þessum eða lægra en endurgjald sem ákveðið er skv. 1. kafla þeirra með hliðsjón af taxta fyrir útselda vinnu, afkomu rekstrar og eigin fé í rekstri, skal hann láta fylgja skattframtali sínu gögn og rökstuðning fyrir mati sínu ásamt upplýsingum, sbr. 2. kafla hér að framan.

Að móttæknu framtali og öðrum framtalsgögnum skal skattstjóri endurskoða reiknað endurgjald framteljanda, maka hans og barna eftir því sem tilefni er til.

Skattstjóra er heimilt að fallast á að reiknað endurgjald sé lægra en viðmiðunarfjárhæðir fjármálaráðherra kveða á um ef rökstuðningur og gögn framteljanda og eftir atvikum þess lögaðila, sem hann tekur eða á að taka laun hjá, réttlæta slíka ákvörðun. Fallist skattstjóri ekki á rök framteljanda um lægra reiknað endurgjald skal hann hækka það til samræmis við viðmiðunarfjárhæðir í reglum þessum.

Sé um að ræða endurgjald manns með eigin atvinnurekstur eða sjálfstæða starfsemi skal hækkan skattstjóra á reiknuðu endurgjaldi ekki leiða til þess að tap á rekstrinum verði meira en almennar fyrningar ársins. Sé um að ræða elli- eða örorkulífeyrisþega með eigin atvinnurekstur skal þess gætt að ekki verði tap á rekstrinum. Ákvæði þessi taka ekki til félaga og þeirra sem reikna ber sér endurgjald vegna starfa hjá þeim.

4. Starfaflokkar og viðmiðunarfjárhæðir.

Þær fjárhæðir sem fara hér á eftir eru lágmarksviðmiðun fyrir reiknað endurgjald manna sem vinna við eigin atvinnurekstur eða sjálfstæða starfsemi eða starfa í hvers kyns stjórnunarstörfum og/eða almennum störfum hjá einkahlutafélagi, hlutafélagi eða sameignarfélagi eða tengdum félögum sem þeir sjálfir, makar þeirra, venslamenn eða aðrir þeim nátengdir eða þeir ásamt samstarfsmönnum hafa ráðandi stöðu í vegna eignar- eða stjórnaraðildar.

Flokkur A. Sérfræðiþjónusta.

Til flokks A teljast sérmenntaðir menn vegna starfa í sérgrein sinni og/eða stjórnunarstarfa á þeim vettvangi, svo sem lyfjafræðingar, læknar, tannlæknar, lögfræðingar, löggiltir endurskoðendur, verkfræðingar, ráðgjafar og aðrir sérfræðingar, m.a. á tölvusviði, í fjármála-ráðgjöf og verðbréfavíðskiptum.

Flokkur A skiptist í fimm undirflokkar:

A(1) Sérfræðingur sem jafnframt stýrir rekstri þar sem starfa með honum fleiri en fimmtán starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum fleiri en fimmtán manna.

Mánaðarlaun	633.000 kr.
Árslaun	7.596.000 kr.

A(2) Sérfræðingur sem jafnframt stýrir rekstri þar sem starfa með honum tíu til fimmtán starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum tíu til fimmtán manna.

Mánaðarlaun	588.000 kr.
Árslaun	7.056.000 kr.

A(3) Sérfræðingur sem jafnframt stýrir rekstri þar sem starfa með honum sex til níu starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum sex til níu starfsmanna.

Mánaðarlaun	565.000 kr.
Árslaun	6.780.000 kr.

A(4) Sérfræðingur sem jafnframt stýrir rekstri þar sem starfa með honum tveir til fimm starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum tveggja til fimm starfsmanna.

Mánaðarlaun	520.000 kr.
Árslaun	6.240.000 kr.

A(5) Sérfræðingur sem starfar einn eða með færri en tveimur starfsmönnum eða samtals greidd laun og greiðslur samkvæmt reikningum fyrir aðkeypt vinnuframlag samsvara árslaunum allt að tveggja starfsmanna.

Mánaðarlaun	452.000 kr.
Árslaun	5.424.000 kr.

Deili tveir eða fleiri menn sem undir reglur þessar falla með sér stjórnun á rekstrinum skal reiknað endurgjald þeirra fara eftir flokki A(1) til A(4) miðað við að fjölda starfsmanna að þeim meðtöldum sé deilt á þá. Lækna og tannlækna skal lægst miða við flokk A(4).

Flokkur B. Almenn starfsemi, iðnaður, verslun, útgerð og þjónusta.

Til flokks B teljast menn sem vinna við iðnaðar- og iðjurekstur, hvers konar verslun og viðskipti, veitingastarfsemi, útgerð og fiskvinnslu, framleiðslu landbúnaðarvara, verktaka- starfsemi hvers konar og þjónustu, sem ekki heyrir undir flokk A eða C. Stjórnun rekstrarins eða félagsins er hluti af störfum þeirra sem falla undir flokk B(1), B(2), B(3) og B(4), þótt þeir vinni einnig önnur almenn störf við reksturinn.

Flokkur B skiptist í fimm undirflokk:

B(1) Maður sem stýrir rekstri þar sem starfa með honum fleiri en fimmtán starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum fleiri en fimmtán manna.

Mánaðarlaun	598.000 kr.
Árslaun	7.176.000 kr.

B(2) Maður sem stýrir rekstri þar sem starfa með honum tíu til fimmtán starfsmenn eða

samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum tíu til fimmtán manna.

Mánaðarlaun	538.000 kr.
Árslaun	6.456.000 kr.

B(3) Maður sem stýrir rekstri þar sem starfa með honum sex til níu starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum sex til níu starfsmanna.

Mánaðarlaun	449.000 kr.
Árslaun	5.388.000 kr.

B(4) Maður sem stýrir rekstri þar sem starfa með honum tveir til fimm starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum tveggja til fimm starfsmanna.

Mánaðarlaun	374.000 kr.
Árslaun	4.488.000 kr.

B(5) Maður, sem starfar einn eða með færri en tveimur starfsmönnum eða samtals greidd laun og greiðslur samkvæmt reikningum fyrir aðkeypt vinnuframlag samsvara árslaunum allt að tveggja starfsmanna.

Mánaðarlaun	299.000 kr.
Árslaun	3.588.000 kr.

Deili tveir eða fleiri menn sem undir reglur þessar falla með sér stjórnun á rekstrinum skal reiknað endurgjald þeirra fara eftir flokki B(1), B(2), B(3) eða lægst B(4) miðað við að fjölda starfsmanna að þeim meðtöldum sé deilt á þá.

Flokkur C. Fjölmíðlun, listamenn, skemmtikraftar, útgefendur, sérhæfð sölustarfsemi eða þjónusta o.fl.

Til flokks C teljast menn, sem vinna við framangreinda starfsemi, svo sem blaðamenn, fréttamenn og dagskrárgerðarmenn, þeir sem starfa við bóka og blaðaútgáfu, kvikmyndagerð, listamenn, skemmtikraftar o.fl. Ennfremur sérhæfð sölustarfsemi, svo sem fasteignasala, bifreiðasala, bókhaldsþjónusta, kennslustarfsemi, skólarekstur og námskeiðahald. Einnig háskólamenntaðar heilbrigðisstéttir, s.s. hjúkrunarfræðingar, sjúkrahjálfarar, iðjuþjálfarar og nuddarar og aðrir með sérmenntun sem ekki falla undir flokka A eða B. Stjórnun starfseminnar er hluti af störfum þeirra sem falla undir flokk C(1), C(2), C(3) og C(4), þótt þeir vinni einnig önnur almenn störf við reksturinn.

Flokkur C skiptist í fimm undirflokkar:

C(1) Maður sem stýrir rekstri þar sem starfa með honum fleiri en fimmtán starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum fleiri en fimmtán manna.

Mánaðarlaun	579.000 kr.
Árslaun	6.948.000 kr.

C(2) Maður sem stýrir rekstri þar sem starfa með honum tíu til fimmtán starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum tíu til fimmtán manna.

Mánaðarlaun	543.000 kr.
Árslaun	6.516.000 kr.

C(3) Maður sem stýrir rekstri þar sem starfa með honum sex til nýu starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum sex til nýu starfsmanna.

Mánaðarlaun	507.000 kr.
Árslaun	6.084.000 kr.

C(4) Maður sem stýrir rekstri þar sem starfa með honum tveir til fimm starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum tveggja til fimm starfsmanna.

Mánaðarlaun	434.000 kr.
Árslaun	5.208.000 kr.

C(5) Maður, sem starfar einn eða með færri en tveimur starfsmönnum eða samtals greidd laun og greiðslur samkvæmt reikningum fyrir aðkeypt vinnuframlag samsvara árslaunum allt að tveggja starfsmanna.

Mánaðarlaun	362.000 kr.
Árslaun	4.344.000 kr.

Deili tveir eða fleiri menn sem undir reglur þessar falla með sér stjórnun á rekstrinum skal reiknað endurgjald þeirra fara eftir flokki C(1), C(2), C(3) eða lægst C(4) miðað við að fjölda starfsmanna að þeim meðtöldum sé deilt á þá.

Flokkur D. Iðnaðarmenn.

Til flokks D teljast iðnaðarmenn í löggiltum iðngreinum. Ef stjórnun svo sem framkvæmdastjórn félags er aðalþáttur starfsins þar sem starfa með honum fleiri en fimm starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum fleiri en til fimm starfsmanna skal miða reiknað endurgjald við flokka B(1), B(2) eða B(3) hér að framan.

Flokkur D skiptist í tvo undirflokk:

D(1) Iðnaðarmaður sem hefur tvo til fimm starfsmenn með sér eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum tveggja til fimm starfsmanna.

Mánaðarlaun	289.000 kr.
Árslaun	3.468.000 kr.

D(2) Iðnaðarmaður sem starfar einn eða með færri en tveimur starfsmönnum eða samtals greidd laun og greiðslur samkvæmt reikningum fyrir aðkeypt vinnuframlag samsvara árslaunum allt að tveggja starfsmanna.

Mánaðarlaun	241.000 kr.
Árslaun	2.892.000 kr.

Flokkur E. Ýmis starfsemi einyrkja, ófaglærðra og vélstjórnenda.

Til flokks E teljast menn sem vinna í störfum sem enga fagmenntun þarf til en sem geta þurft að hafa réttindapróf til að sinna starfinu, s.s. réttindi til að stjórna bifreiðum eða vinnuvélum o.s.frv. og falla ekki undir flokka A til D. Ef stjórnun svo sem framkvæmdastjórn félags er aðalþáttur starfsins og starfsmenn með honum eru fleiri en fimm eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum til fleiri en fimm starfsmanna skal miða reiknað endurgjald við flokka B(1),

B(2) eða B(3) hér að framan. Til þessa flokks teljast t.d. bifreiðastjórar, stjórnendur vinnuvéla, svo og starfsgreinar sem ekki krefjast sérstakrar starfsmenntunar svo sem hreingerningarmenn.

Flokkur E skiptist annars vegar í stjórnendur vinnuvéla og hins vegar í önnur störf sem enga fagmentun þarf til. Hvor flokkurinn skiptist svo aftur í tvo undirflokka:

E(1) Stjórnandi vinnuvéla, sem réttindi þarf til að stjórna, þar sem starfa með honum tveir til fimm starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum tveggja til fimm starfsmanna.

Mánaðarlaun	263.000 kr.
Árslaun	3.156.000 kr.

E(2) Stjórnandi vinnuvéla, sem réttindi þarf til að stjórna, sem starfar einn eða með færri en tveimur starfsmönnum eða samtals greidd laun og greiðslur samkvæmt reikningum fyrir aðkeypt vinnuframlag samsvara árslaunum allt að tveggja starfsmanna.

Mánaðarlaun	210.000 kr.
Árslaun	2.520.000 kr.

E(3) Aðrir menn í störfum sem falla ekki undir skilgreiningu annarra flokka þar sem starfa með honum tveir til fimm starfsmenn eða samtals greidd laun til starfsmanna og greiðslur samkvæmt reikningum fyrir aðkeypt vinnuframlag samsvara árslaunum tveggja til fimm starfsmanna.

Mánaðarlaun	243.000 kr.
Árslaun	2.916.000 kr.

E(4) Aðrir menn sem falla ekki undir skilgreiningu annarra flokka sem starfa einir eða með færri en tveimur starfsmönnum eða samtals greidd laun og greiðslur samkvæmt reikningum fyrir aðkeypt vinnuframlag samsvara árslaunum allt að tveggja starfsmanna.

Mánaðarlaun	194.000 kr.
Árslaun	2.328.000 kr.

Flokkur F. Sjómennska.

Til þessa flokks teljast sjómenn, sem starfa sem skipverjar við útgerð og njóta sérstaks afsláttar, sjómannaafsláttar, af þeim launum sem þeir hafa fyrir sjómannsstörf. Um önnur störf við útgerð fer eftir flokki B.

Flokkur F skiptist í fimm undirflokka:

F(1) Skipstjóri

Mánaðarlaun	362.000 kr.
Árslaun	4.344.000 kr.

F(2) Stýrimaður og vélstjóri.

Mánaðarlaun	337.000 kr.
Árslaun	4.044.000 kr.

F(3) Matsveinn og bátsmaður.

Mánaðarlaun	301.000 kr.
Árslaun	3.612.000 kr.

F(4) Háseti	
Mánaðarlaun	241.000 kr.
Árslaun	2.892.000 kr.

Reiknað endurgjald í flokkum F(1) – F(4) skal að lágmarki miðast við aflahlut skv. kjarasamningi og hliðstæðar greiðslur til annarra skipverja á sama skipi eða hliðstæðu.

F(5) Skipverji á smábátum, sem kjarasamningar taka ekki til.	
Mánaðarlaun	241.000 kr.
Árslaun	2.892.000 kr.

Reiknað endurgjald og greidd laun af aflahlut samtals skulu ekki vera lægra en 40% af aflaverðmæti bátsins.

Við skil á staðgreiðslu er heimilt að miða við fjárhæðir í framangreindum flokkum en á framtali skal reiknað endurgjald ekki vera lægra en viðmiðun við aflaverðmæti tilgreinir.

Flokkur G. Landbúnaður.

Til flokks G teljast bændur sem einir eða með öðrum standa fyrir búrekstri, með eða án aðkeypts vinnuafls. Standi hjón bæði fyrir búrekstrinum skal reiknað endurgjald hvors hjónanna um sig metið miðað við vinnuframlag hvors um sig við búreksturinn og skiptist rekstrarhagnaður jafnframt á milli þeirra í hlutfalli við reiknað endurgjald þeirra. Vinni það hjóna, sem ekki stendur fyrir búrekstri með maka sínum, við reksturinn skal meta því endurgjald með hliðsjón af vinnuframlagi þess, metið á sama verði og endurgjald makans, og telst rekstrarhagnaður þá vera tekjur þess sem stendur fyrir búrekstrinum. Sé búrekstur umfangsmikill og tveir eða fleiri starfsmenn eru á launum auk bóndans og maka hans og barna innan 16 ára skal flokka starfið í flokka B(1) til B(4).

Flokkur G skiptist í þrjá undirflokkar:

G(1) Bóndi með sauðfjárrækt sem aðalbúgrein og hefur meiri hluta bútekna af henni.	
Mánaðarlaun	89.000 kr.
Árslaun	1.068.000 kr.

G(2) Bóndi með kúabú sem aðalbúgrein og hefur meiri hluta bútekna af henni.	
Mánaðarlaun	116.000 kr.
Árslaun	1.392.000 kr.

G(3) Bóndi sem stendur fyrir öðrum búrekstri, svo sem svínarækt, alifuglarækt, hrossarækt, loðdýrabú, grænmetisrækt og garðplönturækt.

Mánaðarlaun	178.000 kr.
Árslaun	2.136.000 kr.

Flokkur H. Makar og börn.

Maður sem starfar við atvinnurekstur eða sjálfstæða starfsemi maka síns eða starfar hjá félagi sem maki hans eða nákomnir venslamenn hafa ráðandi stöðu í vegna eignar- eða stjórnaraðildar svo og barn sem starfar með sama hætti við atvinnurekstur foreldris.

H(1) Sérfræðingur, sbr. flokk A, sem vinna í sérgrein sinni en standa ekki fyrir starfsemi.

Mánaðarlaun	363.000 kr.
Árslaun	4.356.000 kr.

H(2) Iðnaðarmaður, sbr. flokk D, sem vinna í iðngrein sinni en standa ekki fyrir starfsemi.

Mánaðarlaun	194.000 kr.
Árslaun	2.328.000 kr.

H(3) Ófaglærður starfsmaður.

Mánaðarlaun	121.000 kr.
Árslaun	1.452.000 kr.

H(4) Barn, 15 ára.

Mánaðarlaun	84.000 kr.
Árslaun	1.008.000 kr.

H(5) Barn, 13 eða 14 ára.

Mánaðarlaun	73.000 kr.
Árslaun	876.000 kr.

Reglur þessar eru settar með stoð í 3. málsl. 1. mgr. 58. gr. laga nr. 90/2003, um tekju-skatt og eignarskatt.

Fjármálaráðuneytinu, 6. janúar 2005.

Geir H. Haarde.

Marianna Jónasdóttir.

AUGLÝSING

um breytingu á deiliskipulagi Bakkagerðis 1 í Fjarðabyggð.

Samkvæmt skipulags- og byggingarlögum hefur bæjarstjórn Fjarðabyggðar þann 2. desember 2004 samþykkt breytingu á deiliskipulagi íbúðarsvæðisins Bakkagerði 1 á Reyðarfirði.

Breytingin felst í að:

1. Hluti Vallargerðis austan Bakkagils verður sjálfstæð gata nefnd Meltún með breytta legu og lóðaskipan.
2. Melbotn lengist um 30 m til austurs og lóðaskipan er breytt.
3. Lóðaskipan við göturnar Breiðamel, Melbrekku og Melbrún er breytt.
4. Lóð fyrir spennistöð verður á lóð nr. 2 við Breiðamel í stað lóðar nr. 1 við Melbrekku.

Uppdráttur ásamt nýjum skipulags- og byggingarskilmálum hefur hlotið þá meðferð sem skipulags- og byggingarlög mæla fyrir um. Deiliskipulagið öðlast þegar gildi. Jafnframt eru úr gildi felldir allir eldri skipulags- og byggingarskilmálar með skipulagi þessu.

Fjarðabyggð, 4. janúar 2005.

F.h. bæjarstjórnar Fjarðabyggðar,

Gunnar Jónsson, forstöðumaður stjórnisylsusviðs.

REGLUGERÐ

um breytingu á reglugerð um öryggi farþegaskipa í innanlandssiglingum, nr. 666/2001, með síðari breytingum.

1. gr.

Tölulíður 5-1 í I. viðauka verður svohljóðandi:

5-1 Kröfur um ekjufarþegaskip (26)

EKJUSKIP Í FLOKKI B, C OG D SEM ERU SMÍÐUÐ FYRIR 1 JANÚAR 2003:

- 1 Ekjufarþegaskip, sem eru smíðuð fyrir 1. janúar 2003, skulu uppfylla ákvæði liða .6.2, .6.3, .6.4, .7, .8 og .9 eigi síðar en við fyrstu reglubundnu aðalskoðun eftir 1. janúar 2006.

Fyrir þann dag skulu liðir .2, .3, .4, og .5 gilda fyrir ekjuskip sem eru smíðuð fyrir 1. janúar 2003.

Þrátt fyrir það sem að framan greinir skal björgunarbúnaður eða fyrirkomulag hans uppfylla viðeigandi ákvæði liða .6, .7, .8 og .9 þegar skipt er um björgunarbúnað eða fyrirkomulag hans á slíkum skipum eða slík skip gangast undir meiriháttar viðgerðir eða breytingar sem felast í því að skipt er um, eða bætt er við, þann björgunarbúnað eða fyrirkomulag sem fyrir er.

.2 Björgunarflekar

- 1 Björgunarflekar ekjuskips skulu búnir kerfi til rýmingar skips, sem uppfyllir kröfur SOLAS-reglugerðar III/48.5 í þeirri útgáfu sem var í gildi 17. mars 1998, eða sjósetningarbúnaði, sem uppfyllir SOLAS-reglugerð III/48.6 í þeirri útgáfu sem var í gildi 17. mars 1998, sem er dreift jafnt á bæði borð skipsins.

Tryggja skal að samband sé milli staðarins, þar sem farið er um borð í björgunarför, og pallsins.

- 2 Allir björgunarflekar ekjufarþegaskipa skulu búnir sleppibúnaði sem tryggir að bátarnir fljóti upp frá skipinu í samræmi við ákvæði SOLAS-reglu III/23 í þeirri útgáfu sem var í gildi 17. mars 1998.
- 3 Allir björgunarflekar ekjufarþegaskipa skulu búnir skábraut til að komast um borð í þá og sem uppfyllir ákvæði SOLAS-reglu III/39.4.1 eða SOLAS-reglu III/40.4.1, í þeirri útgáfu sem var í gildi 17. mars 1998, eftir því sem við á.
- 4 Allir björgunarflekar ekjufarþegaskipa skulu annaðhvort vera sjálfréttandi björgunarflekar eða björgunarvendiflekar með skýli sem eru stöðugir í sjó og öruggir í notkun án tillits til þess hvaða hlið snýr upp. Stjórnvald fánaríkisins má heimila opna björgunarvendifleka ef slíkt er talið réttlæt看legt vegna þess að siglt er um skýlt hafsvæði eða vegna hagstæðs veðurfars og svo framarlega sem slíkir flekar uppfylla öll ákvæði 10. viðauka við kóðann fyrir hraðskreið skip.

Að öðrum kosti skal skipið búið sjálfréttandi björgunarflekum eða björgunarvendiflekum með skýli til viðbótar venjulegum fjölda björgunarfara sem geti til samans borið a.m.k. 50% af þeim sem eru um borð og ekki komast fyrir í lífbátum. Þessi viðbótarburðargeta í björgunarflekum skal ákveðin á grundvelli mismunarins milli þess fjölda, sem er um borð, og þess sem er rými fyrir í lífbátum. Allir slíkir björgunarflekar skulu háðir viðurkenningu stjórnvalds fánaríkisins, að teknu tilliti til tilmæla Alþjóðasiglingamálastofnunarinnar (IMO) í umburðarbréfi siglingaöryggisnefndar IMO, MSC/Circ. nr. 809.

.3 Hraðskreiðir léttbátar

- .1 A.m.k. einn léttbáta ekjufarþegaskipa skal vera hraðskreiður léttbátur, viðurkenndur af stjórnvaldi fánaríkis, að teknu tilliti til tilmæla Alþjóðasiglingamálastofnunarinnar í umburðarbréfi siglingaöryggisnefndar IMO, MSC/Circ. nr. 809.
- .2 Hver hraðskreiður léttbátur skal vera sjósettur með viðeigandi sjósetningarbúnaði, samþykktum af stjórnvaldi fánaríkis. Við samþykkt slíks búnaðar skal stjórnvald fánaríkis hafa að leiðarljósi að hægt skuli vera að sjósetja og taka aftur um borð hraðskreiða léttbáta í slæmu veðri og einnig taka tillit til tilmæla Alþjóðasiglingamálastofnunarinnar (IMO).
- .3 A.m.k. tvær áhafnir hraðskreiðra léttbáta skulu hafa hlotið viðeigandi þjálfun og stunda æfingar með reglulegu millibili, að teknu tilliti til þáttar A-VI/2, töflu A-VI/2-2 „Forskriftir lágmarksstaðla varðandi hæfi áhafna hraðskreiðra léttbáta“ í samþykktinni um þjálfun, skírteini og vaktstöður sjófarenda (STCW) og tilmæla í IMO-ályktun A.771(18), með áorðnum breytingum. Þjálfunin og æfingarnar skulu ná til allra þátta björgunar, meðhöndlunar, stjórnunar og siglinga slíkra fara í mismunandi veðrum, að meðtöldu því að rétta þau við ef þeim hvolfir.
- .4 Þar sem fyrirkomulag eða stærð gamalla ekjufarþegaskipa kemur í veg fyrir að þau séu búin hraðskreiðum léttbátum, sem krafist er í lið .3.1, má búa skipið hraðskreiðum léttbáti í stað eldri lífbáts sem samþykktur hefur verið sem léttbátur eða sem bátur sem nota á í neyðartilvikum, svo framarlega sem eftirfarandi skilyrðum sé fullnægt:
 - .1 hraðskreiði léttbáturinn, sem skipið er búið, skal sjósettur með sjósetningarbúnaði sem uppfyllir ákvæði liðar .3.2,
 - .2 burðargetu björgunarfarsins, sem tapast við framangreind skipti, skal bæta upp með því að koma fyrir björgunarflekum sem hafa burðargetu sem nemur a.m.k. burðargetu lífbátsins sem var skipt út, og
 - .3 nota skal eldri sjósetningarbúnað eða kerfi til rýmingar skips (KRS) fyrir slíka björgunarfleka.

.4 Björgunarleiðir

- .1 Hvert ekjufarþegaskip skal búið hentugum búnaði til að ná skipbrotsmönnum á fljótlegan hátt úr sjónum og til að flytja fólk úr björgunarfari eða léttbátum um borð í skipið.

- .2 Búnaður til að flytja skipbrotsmenn um borð í skipið má vera kerfi til rýmingar skips (KRS) eða hluti búnaðar sem er hannaður til björgunar.

Þessi búnaður skal háður viðurkenningu fánaríkisins, að teknu tilliti til tilmæla Alþjóðasiglingamálastofnunarinnar í umburðarbréfi siglingaöryggisnefndar IMO, MSC/Circ. nr. 810.

- .3 Ef nota á rennu í kerfi til rýmingar skips (KRS) sem flutningsleið skipbrotsmanna upp á þilfar skips skal hún búin handriðum eða stigum til að auðvelda klifur upp hana.

.5 *Björgunarvesti*

- .1 Þrátt fyrir ákvæði SOLAS-reglu III/7.2 og III/22.2 skulu nægilega mörg björgunarvesti geymd nálægt söfnunarstöðum þannig að farþegar þurfi ekki að snúa aftur til klefa sinna til að ná í þau.
- .2 Hvert björgunarvesti um borð í ekjufarþegaskipi skal búið ljósi sem uppfyllir ákvæði SOLAS-reglu III/32.2 í þeirri útgáfu sem var í gildi 17. mars 1998.

EKJUSKIP Í FLOKKI B, C OG D SEM ERU SMÍÐUÐ EFTIR 1 JANÚAR 2003

.6 *Björgunarflekar*

- .1 Fyrir björgunarfleka ekjufarþegaskipa skal nota kerfi til rýmingar skips, sem uppfylla ákvæði liðar 6.2 í LSA-kóðanum, eða sjósetningarbúnað, sem uppfyllir ákvæði liðar 6.1.5 í LSA-kóðanum, sem er jafnt skipt á bæði borð skips.

Tryggja skal að samband sé milli staðarins, þar sem farið er um borð í björgunarför, og pallsins.

- .2 Allir björgunarflekar ekjufarþegaskipa skulu búnir sleppibúnaði sem tryggir að bátarnir fljóti upp frá skipinu í samræmi við ákvæði SOLAS-reglu III/13.4.
- .3 Allir björgunarflekar ekjufarþegaskipa skulu búnir skábraut til að komast um borð í þá og sem uppfyllir ákvæði liðar 4.2.4.1 eða 4.3.4.1 í LSA-kóðanum, eftir því sem við á.
- .4 Allir björgunarflekar ekjufarþegaskipa skulu annaðhvort vera sjálfréttandi björgunarflekar eða björgunarvendiflekar með skýli sem eru stöðugir í sjó og öruggir í notkun án tillits til þess hvaða hlið snýr upp. Stjórnvald fánaríkisins má heimila opna björgunarvendifleka ef slíkt er talið réttlætanlegt vegna þess að siglt er um skýlt hafsvæði eða vegna hagstæðs veðurfars og svo framarlega sem slíkir flekar uppfylla öll ákvæði 10. viðauka við kóðann fyrir hraðskreið skip. Að öðrum kosti skal skipið búið sjálfréttandi björgunarflekum eða björgunarvendiflekum með skýli til viðbótar venjulegum fjölda björgunarfara sem til samans skulu geta borið í það minnsta 50% af þeim sem eru um borð og ekki komast fyrir í lífbátum. Þessi viðbótarburðargeta í björgunarflekum skal ákveðin á grundvelli mismunarins milli þess fjölda, sem er um borð, og þess sem er rými fyrir í lífbátum. Allir slíkir björgun-

arflekar skulu háðir viðurkenningu stjórnvalds fánaríkisins, að teknu tilliti til tilmæla Alþjóðasiglingamálastofnunarinnar (IMO) í umburðarbréfi siglingaöryggisnefndar IMO, MSC/Circ. nr. 09.

.7 Hraðskreiðir léttbátar

- .1 A.m.k. einn léttbáta ekjufarþegaskipa skal vera hraðskreiður léttbátur, viðurkenndur af stjórnvaldi fánaríkis, að teknu tilliti til tilmæla Alþjóðasiglingamálastofnunarinnar í umburðarbréfi siglingaöryggisnefndar IMO, MSC/Circ. nr. 809.
- .2 Hver hraðskreiður léttbátur skal vera sjósettur með viðeigandi sjósetningarbúnaði, samþykktum af stjórnvaldi fánaríkis. Við samþykkt slíks búnaðar skal stjórnvald fánaríkis hafa að leiðarljósi að hægt skuli vera að sjósetja og taka aftur um borð hraðskreiða léttbáta í slæmu veðri og einnig taka tillit til tilmæla Alþjóðasiglingamálastofnunarinnar (IMO).
- .3 A.m.k. tvær áhafnir hraðskreiðra léttbáta skulu hafa hlotið viðeigandi þjálfun og stunda æfingar með reglulegu millibili, að teknu tilliti til þáttar A-VI/2, töflu A-VI/2-2 „Forskriftir lágmarksstaðla varðandi hæfi áhafna hraðskreiðra léttbáta“ í samþykktinni um þjálfun, skírteini og vaktstöður sjófarenda (STCW) og tilmæla í IMO-ályktun A.771(18), með áorðnum breytingum. Þjálfunin og æfingarnar skulu ná til allra þátta björgunar, meðhöndlunar, stjórnunar og siglinga slíkra fara í mismunandi veðrum, að meðtöldu því að rétta þau við ef þeim hvolfir.
- .4 Þar sem fyrirkomulag eða stærð gamalla ekjufarþegaskipa kemur í veg fyrir að þau séu búin hraðskreiðum léttbátum, sem krafist er í lið .3.1, má búa skipið hraðskreiðum léttbáti í stað eldri lífbáts sem samþykktur hefur verið sem léttbátur eða sem bátur sem nota á í neyðartilvikum, svo framarlega sem eftirfarandi skilyrðum sé fullnægt:
 - .1 hraðskreiði léttbáturinn, sem skipið er búið, skal sjósettur með sjósetningarbúnaði sem uppfyllir ákvæði liðar .3.2,
 - .2 burðargetu björgunarfarsins, sem tapast við framangreind skipti, skal bæta upp með því að koma fyrir björgunarflekum sem hafa burðargetu sem nemur a.m.k. burðargetu lífbátsins sem var skipt út, og
 - .3 nota skal eldri sjósetningarbúnað eða kerfi til rýmingar skips fyrir slíka björgunarfleka.

.8 Björgunarleiðir

- .1 Hvert ekjufarþegaskip skal búið hentugum búnaði til að ná skipbrotsmönnum á fljótlegan hátt úr sjónum og til að flytja fólk úr björgunarfari eða léttbátum um borð í skipið.
- .2 Búnaður til að flytja skipbrotsmenn um borð í skipið má vera kerfi til rýmingar skips (KRS) eða hluti búnaðar sem er hannaður til björgunar.

Þessi búnaður skal háður viðurkenningu fánaríkisins, að teknu tilliti til tilmæla Alþjóðasiglinga-málastofnunarinnar í umburðarbréfi siglingaöryggisnefndar IMO, MSC/Circ. nr. 810.

- .3 Ef nota á rennu í kerfi til rýmingar skips sem flutningsleið skipbrotsmanna upp á þilfar skips skal hún búin handriðum eða stigum til að auðvelda klifur upp hana.

.9 *Björgunarvesti*

- .1 Þrátt fyrir ákvæði SOLAS-reglu III/7.2 og III/22.2 skulu nægilega mörg björgunarvesti geymd nálægt söfnunarstöðum þannig að farþegar þurfi ekki að snúa aftur til klefa sinna til að ná í þau.
- .2 Hvert björgunarvesti um borð í ekjufarþegaskipi skal búið ljósi sem uppfyllir ákvæði liðar 2.2.3 í LSA-kóðanum.

2. gr.

Gildistaka o.fl.

Reglugerð þessi, sem sett er samkvæmt 4. mgr. 3. gr. laga um eftirlit með skipum, nr. 47/2003, öðlast þegar gildi.

Reglugerðin er sett til innleiðingar á tilskipun framkvæmdastjórnarinnar 2003/75/EB frá 29. júlí 2003 um breytingu á I. viðauka við tilskipun ráðsins 98/18/EB um öryggisreglur og staðla fyrir farþegaskip, sem vísað er til í EES viðbæti nr. 56f í XIII. viðauka (Flutningastarfsemi) við EES-samninginn, sbr. ákvörðun sameiginlegu EES-nefndarinnar nr. 179/2003.

Samgönguráðuneytinu, 3. janúar 2005.

Sturla Böðvarsson.

Ragnhildur Hjaltadóttir.

AUGLÝSING

um breytingu á deiliskipulagi við Langholt á Akureyri.

Bæjarstjórn Akureyrar hefur þann 14. desember 2004 í samræmi við 2. mgr. 26. gr. skipulags- og byggingarlaga samþykkt breytingu á deiliskipulagi lóðarinnar Langholt 1. Helsta breytingin er sú að bætt er við nýrri innkeyrslu á lóðina gegnt Miðholti. Bæjarstjórn hefur lýst því yfir að hún muni bæta það tjón sem breytingin kunnir að valda einstökum aðilum.

Ofangreind deiliskipulagsbreyting hefur hlotið þá meðferð sem skipulags- og byggingarlög mæla fyrir um og öðlast hún þegar gildi.

F.h. Akureyrarbæjar, 3. janúar 2005.

Bjarni Reykjálín, skipulags- og byggingarfulltrúi.

AUGLÝSING

um deiliskipulag í Kópavogi.

Hörðukór 2. Deiliskipulag.

Í samræmi við skipulags- og byggingarlög nr. 73/1997, með síðari breytingum, hefur bæjarráð Kópavogs þann 16. desember 2004 samþykkt tillögu að breyttu deiliskipulagi lóðarinnar nr. 2 við Hörðukór. Í breytingunni felst að umrædd lóð er stækkuð um 1.200 m², verður 3.600 m² í stað 2.400 m²; afmörkun á byggingarreit er breytt og hann stækkaður, ráðgert gólfflatarmál eykst úr 1.500 m² í um 3.000 m² og fjöldi íbúða í fyrirhuguðu sambýli verður 16 íbúðir í stað 8.

Uppdrættir hafa hlotið þá meðferð sem ofangreind lög mæla fyrir um.
Skipulagið öðlast þegar gildi.

Hörðukór 5. Deiliskipulag.

Í samræmi við skipulags- og byggingarlög nr. 73/1997, með síðari breytingum, hefur bæjarráð Kópavogs þann 16. desember 2004 samþykkt tillögu að breyttu deiliskipulagi lóðarinnar nr. 5 við Hörðukór. Í breytingunni felst að þaki hússins er lyft að hluta sem nemur 4.5 metrum; þakrymið er nýtt sem hluti íbúða 10. hæðar; vegna landhalla á viðkomandi lóð og hæðarsetningu hússins ásamt bílgeymslu er bætt við jarðhæð með 3 íbúðum; íbúðum er fjölgað úr 40 í 44; hámarksflatarmál hússins eykst um 700 m² verður um 6.700 m² í stað 6.000 m²; fyrirkomulag og fjöldi bílastæða breytist.

Uppdrættir hafa hlotið þá meðferð sem ofangreind lög mæla fyrir um.
Skipulagið öðlast þegar gildi.

Skemmuvegur 2. BYKO Breiddinni. Deiliskipulag.

Í samræmi við skipulags- og byggingarlög nr. 73/1997, með síðari breytingum, hefur bæjarráð Kópavogs þann 26. ágúst 2004 samþykkt tillögu að breyttu deiliskipulagi við Skemmuveg 2. Í breytingunni felst að byggingarreitur Skemmuvegur 2 er stækkaður um 16 metra til norðurs og er áætluð stækkun grunnflatar 350 m². Fyrirkomulag bílastæða á lóð breytist.

Uppdrættir hafa hlotið þá meðferð sem ofangreind lög mæla fyrir um.
Skipulagið öðlast þegar gildi.

Kópavogi, 5. janúar 2005.

Birgir H. Sigurðsson skipulagsstjóri.

REGLUR

um skattmat vegna tekna af landbúnaði árið 2005.

Eftirfarandi reglur um skattmat tekna af landbúnaði á árinu 2005 eru settar skv. 118. gr. laga nr. 90/2003, um tekjuskatt og eignarskatt, sbr. og 2. tölul. B-liðar 17. gr. reglugerðar nr. 245/1963, um tekjuskatt og eignarskatt. Um er að ræða mat á tekjum í búrekstri, hvort sem um er að ræða einstaklingsrekstur eða rekstur lögaðila, sem færa ber á rekstrarreikning landbúnaðarskýrslu fyrir árið 2005.

Búsafurðir til heimanota og önnur endurgjaldslaus afhending þeirra til eigenda, starfsmanna og skylduliðs þeirra skal telja til rekstrartekna á rekstrarreikningi landbúnaðarskýrslu. Tekur skattmatið m.a. til búfjárafurða, jarðargróða, afraksturs af hvers konar hlunnindum, afurða gróðurstöðva, fuglabúa o.s.frv. og sjávarafra og afraksturs eldisstöðva. Séu afurðir, sem teknar eru eða afhentar til heimanota, ekki tilgreindar hér á eftir skal meta þær á sama verði og fyrir þær fæst við sölu til óskylds aðila. Séu afurðir, sem falla undir reglur þessar, afhentar á lægra verði en í skattmatinu greinir skal mismunur á því verði og matsverðinu talinn til rekstrartekna hjá búinu.

Skattmat á heimaafnotum búsafurða o.fl.vegna tekjuársins 2005 er sem hér segir:

Mjólk	43 kr. hver lítri
Egg	260 kr. hvert kg
Kartöflur	33 kr. hvert kg
Rófur	65 kr. hvert kg
Lambakjöt	310 kr. hvert kg
Kjöt af veturgömlu fé	275 kr. hvert kg
Annað kjöt af sauðfé	130 kr. hvert kg
Ungnautakjöt	330 kr. hvert kg
Annað kjöt af nautgripum	225 kr. hvert kg
Folaldakjöt	200 kr. hvert kg
Annað kjöt af hrossum	80 kr. hvert kg
Grísakjöt	205 kr. hvert kg
Annað svínakjöt	85 kr. hvert kg
Kalkúnar, endur og gæsir	415 kr. hvert kg
Annað fuglakjöt	220 kr. hvert kg
Fiskur	200 kr. hvert kg

Fjármálaráðuneytinu, 6. janúar 2005.

Geir H. Haarde.

Marianna Jónasdóttir.

REGLUGERÐ

um váttryggingar björgunarsveita.

1. gr.

Almenn ákvæði.

Reglugerð þessi tekur til váttryggingarskyldu björgunarsveita sem starfa samkvæmt lögum um björgunarsveitir og björgunarsveitarmenn nr. 43/2003 með síðari breytingum.

Váttryggingar samkvæmt reglugerð þessari skulu taka til tjóns sem verður við björgun, leit og gæslu, sem og önnur störf sem björgunarsveitum eru falin með lögum, stjórnvaldsfyrirmælum eða leiða af venju. Váttryggingar skulu einnig taka til tjóns sem björgunarsveitarmenn, þar á meðal þeir sem enn hafa ekki lokið þjálfun björgunarsveitarmanna, verða fyrir eða valda við björgunaræfingar eða aðra þjálfun björgunarsveitarmanna á vegum björgunarsveita.

Björgunarsveitir skulu halda skrá yfir félagi sína, þar á meðal þá sem teknir hafa verið til þjálfunar, í því skyni að unnt sé að sannreyna hverjir njóti váttryggingarverndar á hverjum tíma sem björgunarsveitarmenn.

Óheimilt er að takmarka váttryggingarvernd björgunarsveitarmanna vegna tjóns sem, beint eða óbeint, er af völdum jarðskjálfta, eldgosa, flóða, skriðufalla, snjóflóða eða annarra náttúruhamfara.

Óheimilt er að semja um lakari váttryggingarvernd til handa björgunarsveitarmönnum, en leiðir af ákvæðum reglugerðar þessarar.

Lágmarksfjárhæðir váttrygginga samkvæmt reglugerð þessari skulu miðaðar við vísitölu neysluverðs í janúar 2005 og breytast annað hvert ár í samræmi við breytingar á vísitölunni, í fyrsta sinn 1. janúar 2006.

2. gr.

Slysatrygging björgunarsveitarmanna.

Björgunarsveitum er skylt að tryggja björgunarsveitarmenn vegna slysa er þeir kunna að verða fyrir í störfum sínum á vegum björgunarsveita. Skal váttryggingavernd ná til varanlegs líkamstjóns, dauða og tímabundins missis starfsorku, eftir því sem nánar greinir í 2. og 3. mgr.

Við mat á varanlegu líkamstjóni skal litið til þess hvers eðlis tjón er og hversu miklar afleiðingar tjóns eru frá læknisfræðilegu sjónarmiði miðað við heilsufar tjónþola þegar það er orðið stöðugt. Varanlegt líkamstjón skal meta til hundradshluta. Bætur vegna 100% örorku skulu að lágmarki nema 9.000.000 króna, en lágmarksbætur fyrir minni örorku samsvarandi hlutfalli af þeirri fjárhæð. Heimilt er í váttryggingarsamningi að kveða á um að lægri varanleg örorka en 10% sé ekki bætt. Einnig er heimilt að kveða á um það í váttryggingarsamningi að aðrar tilteknar tryggingabætur dragist frá bótum.

Dánarbætur skulu að lágmarki nema 4.000.000 króna.

Dagpeningar vegna tímabundins missis starfsorku skulu að lágmarki nema 5.000 krónum fyrir hvern dag meðan starfsorkumissir varir. Í váttryggingarsamningi er heimilt að kveða nánar á um hvernig meta skuli tímabundinn starfsorkumissi, sem og frádrátt frá dagpeningum vegna starfsorkumissis að hluta eða vegna annarra greiðslna. Þá er heimilt að kveða á um að dagpeningar greiðist því aðeins að starfsorkumissir vari í ákveðinn lágmarkstíma (biðtími bóta). Biðtími bóta skal ekki vera lengri en fjórar vikur. Einnig er heimilt að kveða á um að tímabundinn starfsorkumissir verði aðeins bættur að hámarki fyrir ákveðið tímabil (bótatími). Lágmarksbótatími skal þó ekki vera skemmri en 48 vikur.

3. gr.

Munatrygging björgunarsveitarmanna.

Björgunarsveitum er skylt að tryggja björgunarsveitarmenn vegna tjóns á persónulegum munum sem kann að verða í störfum þeirra á vegum björgunarsveita. Til persónulegra muna telst allur tilskilinn og venjulegur einstaklingsbúnaður björgunarsveitarmanns. Til persónulegra muna teljast ekki loftför, skip, bátar eða ökutæki, svo sem bifreiðir, vélsleðar eða vélhjól.

Heimilt er að ákveða í váttryggingarsamningi að sjálfsáhætta björgunarsveitarmanna á persónulegum munum nemi allt að 75.000 krónum vegna hvers tjónsatburðar. Við ákvörðun váttryggingarfjárhæðar váttryggingarsamnings skal tekið mið af stærð björgunarsveitar, búnaði sem félagar sveitarinnar eiga sjálfir og leggja með sér við störf í þágu sveitarinnar og umfangi starfsemi sveitarinnar að öðru leyti.

4. gr.

Ábyrgðartrygging vegna starfa björgunarsveitarmanna.

Björgunarsveitum er skylt að kaupa ábyrgðartryggingu fyrir tjóni sem björgunarsveitarmenn kunna að valda þriðja manni í störfum sínum. Um skaðabótaábyrgð björgunarsveita fer samkvæmt almennum reglum skaðabótaréttar.

Fjárhæð ábyrgðartryggingar samkvæmt 1. mgr. skal að lágmarki nema 150.000.000 króna. Heimilt er að ákveða að sjálfsáhætta björgunarsveita nemi allt að 1.000.000 króna vegna hvers tjónsatburðar, en ekki skal það skerða rétt þriðja manns til bóta.

5. gr.

Gildistaka o.fl.

Slysavarnarfélagið Landsbjörg skal varðveita eintak af vátryggingarskírteinum og vátryggingarskilmálum sem félagið, eða einstakar björgunarsveitir innan félagsins, gera samkvæmt reglugerð þessari og afhenda dómsmálaráðuneytinu afrit þeirra, ef þess er óskað.

Reglugerð þessi, sem sett er með heimild í 4. mgr. 5. gr. laga um björgunarsveitir og björgunarsveitarmenn nr. 43/2003, sbr. 1. gr. laga nr. 23/2004, öðlast þegar gildi.

Dóms- og kirkjumálaráðuneytinu, 3. janúar 2005.

Björn Bjarnason.

Ásgerður Ragnarsdóttir.

REGLUGERÐ

um breytingu á reglugerð nr. 744/2003 um notkun og bann við notkun tiltekinna efna við meðhöndlun á textíl- og leðurvörum.

1. gr.

5. viðauki, Arómatísk amín – niðurbrotsefni asólitarefna, orðast svo:

Viðurkenndar prófunaraðferðir.

<i>Staðall</i>	<i>Heiti staðals</i>	<i>Skjal</i>
CEN	Leðurvörur – Efnafræðilegar prófanir – Ákvörðun á tilteknum asólitarefnum í lituðu leðri	CEN ISO/TS 17234:2003
CEN	Textílvörur – Aðferðir til ákvörðunar á tilteknum arómatískum amínum sem myndast hafa við niðurbrot asólitarefna – 1. hluti: Ákvörðun á notkun tiltekinna asólitarefna sem greinast án útdráttar	EN 14362-1:2003
CEN	Textílvörur – Aðferðir til ákvörðunar á tilteknum arómatískum amínum sem myndast hafa við niðurbrot asólitarefna – 2. hluti: Ákvörðun á notkun tiltekinna asólitarefna sem greinast með útdrætti úr trefjum	EN 14362-2:2003

2. gr.

Reglugerð þessi er sett með stoð í 18. gr. laga nr. 52/1988 um eiturefni og hættuleg efni, ásamt síðari breytingum.

Reglugerðin er sett til innleiðingar á tilskipun 2004/21/EB varðandi takmörkun á sölu og notkun asólitarefna (13. tækniáðlögum að tilskipun ráðsins 76/769/EBE), sem vísað er til í 4. tl. XV. kafla II. viðauka samningsins um Evrópska efnahagssvæðið, eins og honum var breytt með ákvörðun sameiginlegu EES-nefndarinnar nr. 147/2004, þann 30. október 2004.

Reglugerðin öðlast gildi við birtingu.

Umhverfissráðuneytinu, 4. janúar 2005.

F. h. r.

Magnús Jóhannesson.

Sigríður Auður Arnardóttir.

AUGLÝSING

rikisskattstjóra nr. 1/2005 um skilaskyldu og skilafresti fyrir launaskýrslur o.fl. vegna skattframtals 2005.

Ríkisskattstjóri hefur ákveðið, skv. 92. gr. laga nr. 90/2003, um tekjuskatt og eignar-skatt, að eftirtöldum upplýsingum og gögnum vegna ársins 2004 skuli skilað til skattstjóra eigi síðar en 27. janúar 2005. Sé gögnunum skilað á rafrænu formi framlengist fresturinn til 7. febrúar 2005. Gögnunum skal skilað til skattstjóra þar sem skilaskyldur aðili átti lögheimili 1. desember 2004.

1. Launamiðar og verktakamiðar (RSK 2.01). Skilaskyldir eru allir þeir sem innt hafa af hendi launagreiðslur, hlunnindi, lífeyri, bætur, styrki, greiðslur til verktaka fyrir þjónustu (efni eða vinnu) eða aðrar skattskyldar eða framtalsskyldar greiðslur.
2. Bifreiðahlunnindamiðar (RSK 2.035). Skilaskyldir eru allir þeir sem í rekstri sínum eða annarri starfsemi hafa haft kostnað af kaupum, leigu eða rekstri fólksbifreiðar og ekki fylla út RSK 4.03 vegna hennar.
3. Hlutfjármíðar (RSK 2.045) ásamt samtalningsblaði (RSK 2.04). Skilaskyld eru öll hlutfélög, einkahlutfélög og sparisjóðir.
4. Stofnsjóðsmíðar (RSK 2.065) ásamt samtalningsblaði (RSK 2.06). Skilaskyld eru öll samvinnufélög þ.m.t. kaupfélög.
5. Launaframtal (RSK 1.05). Skilaskyldir eru þeir einstaklingar, sem stunda atvinnurekstur eða sjálfstæða starfsemi og ekki skila skattframtali á rafrænu formi, og lögaðilar sem undanþegnir eru skattskyldu skv. I. kafla laga nr. 90/2003 og skila ekki skattframtali RSK 1.04, hafi þeir greitt laun eða viðbótarframlag í lífeyrissjóð á árinu 2004.
6. Skýrsla um viðskipti með hlutabréf (RSK 2.08). Skilaskyldir eru bankar, verðbréfafyrirtæki og aðrir þeir aðilar sem annast kaup og sölu, umboðsviðskipti og aðra umsýslu með hlutabréf.
7. Takmörkuð skattskylda - greiðslufirlit (RSK 2.025). Skilaskyldir eru þeir sem innt hafa af hendi hvers konar greiðslur til erlendra aðila og annarra, sem bera takmarkaða skattskyldu hér á landi, og skattskyldar eru skv. 3. tölul. (þjónusta eða starfsemi innt af hendi

- hér á landi) og 6. tölul. (leiga og greiðslur fyrir afnot eða hagnýtingu einkaleyfa og hvers konar annarra leyfa, réttinda, sérþekkingar, o.fl.) 3. gr. laga nr. 90/2003.
8. Greiðslumiðar – leiga eða afnot (RSK 2.02). Skilaskyldir eru þeir sem innt hafa af hendi hvers konar greiðslur fyrir leigu eða afnot af lausafé, fasteignum og fasteignaréttindum, sbr. 1. og 2. tölulið C-liðar 7. gr. laga nr. 90/2003, svo og fyrir greiðslur fyrir sérhver önnur afnot af réttindum, s.s. aflaheimildum, einkaleyfum eða sérþekkingu, enda sé ekki gerð grein fyrir þessum greiðslum á öðrum skilagreinum sem taldar eru upp hér að framan.
 9. Hlutabréfakaup skv. kaupréttarsamningi (RSK 2.085). Skilaskyld eru öll hlutafélög sem gert hafa kaupréttarsamninga við starfsmenn sína samkvæmt staðfestri kaupréttaráætlun, sbr. 10. gr. laga nr. 90/2003.

Upplýsingum þessum skal, ef unnt er, skilað á tölvutæku formi samkvæmt færslu- lýsingu, sem finna má á vefsíðu ríkisskattstjóra www.rsk.is/vefskil/vefskil.asp en annars á hinum tilgreindu eyðublöðum, sem einnig er þar að finna.

Auglýsing þessi er birt með heimild í 92. og 93. gr. laga nr. 90/2003, um tekjuskatt og eignarskatt.

Reykjavík, 6. janúar 2005.

Indriði H. Þorláksson ríkisskattstjóri.

AUGLÝSING

um útgáfu starfsleyfa fyrir atvinnurekstur sem getur haft í för með sér mengun.

Umhverfisstofnun hefur gefið út starfsleyfi fyrir Mjóafjarðarhrepp, kt. 460269-1139, fyrir móttöku og urðun lífræns úrgangs í landi Rima. Starfsleyfið er gefið út í samræmi við 6. gr. I. kafla laga nr. 7/1998, um hollustuhætti og mengunarvarnir, og reglugerð nr. 785/1999, um starfsleyfi fyrir atvinnurekstur sem getur haft í för með sér mengun. Starfsleyfið tók gildi þann 30. desember 2004 og gildir til 1. febrúar 2017.

Umhverfisstofnun hefur gefið út starfsleyfi fyrir Sorpurðun Borgarfjarðarhrepps, kt. 480169-6549, fyrir móttöku og urðun á almennum úrgangi á Brandsbölum. Starfsleyfið er gefið út í samræmi við 6. gr. I. kafla laga nr. 7/1998, um hollustuhætti og mengunarvarnir, og reglugerð nr. 785/1999, um starfsleyfi fyrir atvinnurekstur sem getur haft í för með sér mengun. Starfsleyfið tók gildi þann 30. desember 2004 og gildir til 1. febrúar 2017.

Umhverfisstofnun, 4. janúar 2005.

Davíð Egilson forstjóri.

*Sigurbjörg Gísladóttir,
forstöðumaður stjórnsýslusviðs.*

REGLUGERÐ

um breytingu á reglugerð nr. 1074, 29. desember 2004, um veiðar íslenskra skipa á Norðuríshafsborski 2005, skv. samningi milli Íslands, Noregs og Rússlands.

1. gr.

4. gr. reglugerðarinnar orðist svo:

Innan efnahagslögsögu Noregs, norðan við 62°00'N og utan 12 sjómílna frá grunnlínum, er íslenskum skipum heimilt að veiða alls 4.367 tonn af þorski, auk 1.310 tonna aukaafra af öðrum tegundum, miðað við afla upp úr sjó. Innan efnahagslögsögu Rússlands, utan 12 sjómílna frá grunnlínum, er íslenskum skipum heimilt að veiða alls 2.729 tonn af þorski, auk 819 tonna aukaafra af öðrum tegundum, miðað við afla upp úr sjó.

Í hverri veiðiferð innan efnahagslögsögu Noregs eða Rússlands, skal afli af öðrum tegundum en þorski, ekki vera meiri en sem nemur 30% af þorskafra, miðað við afla upp úr sjó.

2. gr.

Reglugerð þessi er sett samkvæmt ákvæðum laga nr. 151, 27. desember 1996, um fiskveiðar utan lögsögu Íslands til þess að öðlast þegar gildi og birtist til eftirbreytni öllum þeim sem hlut eiga að máli.

Sjávarútvegsráðuneytinu, 10. janúar 2005.

F. h. r.

Jón B. Jónasson.

Þórður Eyþórsson.

3. janúar 2005

Nr. 26

REGLUGERÐ

um breytingu á reglugerð um próf til að öðlast réttindi til að vera héraðsdómsslögmaður, nr. 774 18. október 2000.

1. gr.

1. másl. 2. mgr. 4. gr. orðast svo: Þeir einir geta sótt námskeið til undirbúnings fyrri hluta prófi sem lokið hafa fullnaðarnámi í lögfræði með embættis- eða meistaraprófi við lagadeild háskóla sem viðurkenndur er hér á landi samkvæmt lögum um háskóla.

2. gr.

2. másl. 2. mgr. 6. gr. orðast svo: Ennfremur er prófnefndinni heimilt að fela Lögmannafélagi Íslands eða þeim háskólum, sem kenna lögfræði til embættis- eða meistaraprófs og viðurkenndir eru hér á landi samkvæmt lögum um háskóla, að annast kennslu í einstökum kennslugreinum.

3. gr.

17. gr. orðast svo:

Prófnefnd getur ákveðið að þeir, sem lokið hafa prófi í tiltekinni eða tilteknum kjörgreinum við háskóla sem kennir lögfræði til embættis- eða meistaraprófs og sem viðurkenndur er hér á landi samkvæmt lögum um háskóla, þurfi ekki að sækja kennslu og þreyta próf í einhverri eða einhverjum þeirra greina sem taldar eru upp í 5. og 10. gr.

4. gr.

18. gr. orðast svo:

Prófnefnd er heimilt að fela Lögmannafélagi Íslands eða þeim háskólum, sem kenna lögfræði til embættis- eða meistaraþrófs og sem viðurkenndir eru hér á landi samkvæmt lögum um háskóla, að hafa umsjón með framkvæmd námskeiða og prófa, fyrir hönd nefndarinnar, þ. á m. að sjá um skráningu á námskeið og innheimtu gjalda skv. 16. gr.

5. gr.

Reglugerð þessi, sem sett er samkvæmt heimild í 2. mgr. 7. gr. laga um lögmennt nr. 77 15. júní 1998, sbr. 5. gr. laga nr. 93/2004, öðlast þegar gildi.

Dóms- og kirkjumálaráðuneytinu, 3. janúar 2005.

Björn Bjarnason.

Ásgerður Ragnarsdóttir.

GJALDSKRÁ

fyrir sorphirðu og sorpeyðingu í Sveitarfélaginu Árborg.

1. gr.

Bæjarstjórn Árborgar er heimilt að leggja á sérstakt sorpgjald (sorphreinsi- og sorpeyðingargjald) samkvæmt samþykkt um sorphirðu í Sveitarfélaginu Árborg frá 16. janúar 2002.

2. gr.

Gjaldið er árlega sem hér greinir:

Íbúðir, íbúðarhúsnæði	kr. á íbúð
	11.100

Gjaldið skal innheimta með fasteignagjöldum og er gjalddagi sorpgjalds hinn sami og fasteignagjalda. Sorpgjaldið nýtur lögveðsréttar í lóð og mannvirkjum næstu tvö ár eftir gjalddaga með forgangsrétti fyrir hverskonar samningsveði og aðfararveði.

Af sorpgjaldi vegna sumarhúsa og annars íbúðarhúsnæðis í sveitarfélaginu sem nýtt er til tímabundinnar dvalar, án fastrar búsetu, er heimilt að veita allt að 50% afslátt.

3. gr.

Gjaldskrá þessi, sem er samin og samþykkt af bæjarstjórn Árborgar, staðfestist hér með, skv. 5. mgr. 25. gr. laga nr. 7/1998 um hollustuhætti og mengunarvarnir, með síðari breytingum og öðlast gildi þegar í stað. Fjárhæðir skv. 2. gr. endurskoðast árlega við gerð fjárhagsáætlunar sveitarfélagsins.

Samþykkt í Heilbrigðiseftirliti Suðurlands 30. desember 2004.

Selfossi, 3. janúar 2005.

Einar Njálsson bæjarstjóri.

AUGLÝSING

um breytingu á lágmarksupphæð stofnfjár sjóðs eða stofnunar sem starfar samkvæmt staðfestri skipulagsskrá.

Samkvæmt 2. gr. laga um sjóði og stofnanir sem starfa samkvæmt staðfestri skipulagsskrá nr. 19/1988 skal stofnfé sjóðs eða stofnunar árið 2005 vera 621.000 kr. hið minnsta. Auglýsing þessi tekur þegar gildi.

Dóms- og kirkjumálaráðuneytinu, 3. janúar 2005.

F. h. r.

Hjalti Zóphóníasson.

Bryndís Helgadóttir.

AUGLÝSING

fjármálaráðherra um álagningu opinberra gjalda á árinu 2005.

1. gr.

Skattstjórar skulu eigi síðar en 29. júlí 2005 hafa lokið álagningu opinberra gjalda á menn. Álagningu lögaðila skal vera lokið eigi síðar en 31. október 2005. Álagningu á lög- aðila sem fengið hafa heimild til að hafa annað reikningsár til skattskila en almanaksárið skal lokið eigi síðar en sex mánuðum eftir að því reikningsári lýkur.

2. gr.

Auglýsing þessi, sem sett er með heimild í 93. gr. laga nr. 90/2003, um tekjuskatt og eignarskatt, með síðari breytingum, öðlast þegar gildi.

Fjármálaráðuneytinu, 3. janúar 2005.

F. h. r.

Marianna Jónasdóttir.

Guðmundur Thorlacius.

REGLUGERÐ

um friðun hrygningarþorsks og skarkola á vetrarvertíð.

Austursvæði (Stokksnes að 19° V).

1. gr.

Frá og með 8. apríl til og með 16. apríl eru allar veiðar óheimilar á svæði fyrir Suðurlandi, sem að austan markast af línu sem dregin er réttvísandi 90° frá Stokksnesi og að vestan af 19°00' V. Að utan markast svæðið af línu sem dregin er í 4ra sjómílna fjarlægð frá fjörumarki meginlandsins.

Ennfremur eru á tímabilinu frá og með 8. apríl til og með 16. apríl allar veiðar óheimilar á neðangreindum svæðum innan lína sem dregnar eru milli eftirgreindra punkta:

Hrollaugseyjar:

1. 64° 05'0 N – 16° 06'0 V
2. 64° 01'8 N – 15° 59'0 V
3. 64° 03'0 N – 15° 39'0 V
4. 64° 13'5 N – 15° 29'0 V

Ingólfshöfði:

1. 63° 47'0 N – 16° 54'0 V
2. 63° 38'0 N – 16° 35'0 V
3. 63° 40'0 N – 16° 25'0 V
4. 63° 48'0 N – 16° 11'0 V
5. 63° 56'0 N – 16° 11'0 V
6. 64° 00'0 N – 16° 17'0 V

Meðallandsbugur:

1. 63° 30'0 N – 18° 02'0 V
2. 63° 30'0 N – 17° 30'0 V
3. 63° 47'0 N – 17° 15'0 V

Frá og með 17. apríl til kl. 10.00 28. apríl markast ytri mörk svæðisins vestur um frá Stokksnesi af línu sem dregin er í 12 sjómílna fjarlægð frá viðmiðunarlínu í punkt á 17°00'V. Þaðan í punkt 63° 15' N og 17° 00' V og síðan í punkt 63° 05' N og 17° 40' V og þaðan í réttvísandi 270° að 19° 00' V.

Vestursvæði (19° V að Skor).

2. gr.

Frá og með 1. apríl til og með 11. apríl eru allar veiðar óheimilar á svæði fyrir Suður- og Vesturlandi á svæði sem að austan markast af 19° 00' V og að vestan af línu sem dregin er réttvísandi 250° frá Skorarvita.

Að utan markast svæðið frá 19° 00' V vestur um af línu sem dregin er í 4ra sjómílna fjarlægð frá fjörumarki meginlandsins að punkti 63° 33'00 N og 20° 27'00 V og þaðan í punkt 63° 33'00 N og 20° 50'00 V og þaðan í punkt 63° 47'85 N - 21° 16'00 V og þaðan af línu sem dregin er í 4ra sjómílna fjarlægð frá fjörumarki meginlandsins að Garðskaga.

Þaðan markast ytri mörk svæðisins af línu, sem dregin er um punkta í 4ra sjómílna fjarlægð í tilgreindar réttvísandi stefnur frá eftirgreindum stöðum:

1. 270° frá Hjörsey
2. 180° frá Malarrifsvita
3. 270° frá Tröllakirkju
4. 270° frá Öndverðarnesvita
5. 360° frá Öndverðarnesvita
6. 360° frá Töskuvita við Rif
7. 250° frá Skorarvita

Frá og með 12. apríl til kl. 10.00 21. apríl markast ytri mörk svæðisins af línu sem dregin er vestur um milli eftirgreinda punkta:

- | | |
|-------------------------------|-------------------------------|
| 1. 63° 05'00 N – 19° 00'00 V | 11. 63° 15'00 N – 23° 00'50 V |
| 2. 63° 05'01 N – 19° 52'07 V | 12. 63° 10'70 N – 23° 24'00 V |
| 3. 63° 10'20 N – 20° 12'80 V | 13. 63° 11'00 N – 24° 05'50 V |
| 4. 63° 07'20 N – 20° 15'70 V | 14. 63° 35'06 N – 23° 13'06 V |
| 5. 63° 08'00 N – 20° 32'80 V | 15. 63° 36'72 N – 23° 22'84 V |
| 6. 63° 05'00 N – 20° 49'50 V | 16. 63° 39'65 N – 23° 28'55 V |
| 7. 63° 11'20 N – 21° 27'80 V | 17. 64° 43'72 N – 24° 12'83 V |
| 8. 63° 10'00 N – 21° 51'70 V | 18. 64° 43'72 N – 24° 25'57 V |
| 9. 63° 05'00 N – 22° 15'00 V | 19. 65° 16'44 N – 24° 51'28 V |
| 10. 63° 05'00 N – 22° 27'50 V | |

og þaðan réttvísandi 70° í Skorarvita.

Önnur friðunarsvæði þorsks.

3. gr.

Frá og með 15. apríl til kl. 10.00 30. apríl eru allar veiðar óheimilar á eftirgreindum svæðum:

- A. Á Ísafjarðardjúpi innan línu sem dregin er frá Galtarvita í Straumnesvita.
- B. Frá Hornbjargsvita austur um að Stokksnesi innan 3ja sjómílna frá fjörumarki meginlandsins.
- C. Innan 3ja sjómílna frá fjörumarki Grímseyjar.

Skarkolasvæði.

4. gr.

Auk ofangreindra veiðibanna eru á tímabilinu 1. til 30. apríl að báðum dögum meðtöldum allar veiðar með botnvörpu, dragnót og kolanetum bannaðar á eftirgreindum svæðum:

A. Selvogsbanki:

1. 63° 40'00 N – 21° 00'00 V
2. 63° 31'00 N – 20° 10'00 V
3. 63° 22'00 N – 20° 30'00 V
4. 63° 20'00 N – 20° 50'00 V

B. Hafnarleir:

1. 64° 05'00 N – 23° 15'00 V
2. 64° 05'00 N – 22° 54'00 V
3. 63° 50'00 N – 22° 53'00 V
4. 63° 50'00 N – 22° 57'00 V
5. 64° 00'00 N – 23° 20'00 V

C. Breiðafjörður:

1. 65° 16'00 N – 23° 27'00 V
2. 65° 10'00 N – 23° 27'00 V
3. 65° 00'00 N – 24° 20'00 V
4. 65° 05'00 N – 24° 37'00 V

5. gr.

Þrátt fyrir ákvæði 1.-4. gr. eru veiðar á grásleppu, innfjarðarækju, hörpudiski, ígulkerum, beitukóngi, kúfiski og til áframeldis á þorski heimilar þeim sem tilskilin leyfi hafa til þeirra veiða innan svæðisins. Ennfremur veiðar sem leyfðar kunna að verða á grundvelli 13. gr. laga nr. 79/1997, um veiðar í fiskveiðilandhelgi Íslands.

6. gr.

Brot á ákvæðum reglugerðar þessarar varða viðurlögum samkvæmt ákvæðum laga nr. 79, 26. maí 1997, um veiðar í fiskveiðilandhelgi Íslands. Með mál út af brotum skal farið að hætti opinberra mála.

7. gr.

Reglugerð þessi er sett samkvæmt ákvæðum laga nr. 79, 26. maí 1997, um veiðar í fiskveiðilandhelgi Íslands til þess að öðlast þegar gildi og birtist til eftirbreytni öllum þeim, sem hlut eiga að máli.

Sjávarútvegsráðuneytinu, 12. janúar 2005.

Árni M. Mathiesen.

Þórður Eyþórsson.

GJALDSKRÁ

fyrir gatnagerðargjald, stofngjald holræsa, stofngjald vatnsveitu, byggingarleyfis- og þjónustugjöld í Sveitarfélaginu Árborg.

1. gr.

Af öllum lóðum og nýbyggingum og stækkunum eldri húsa í Sveitarfélaginu Árborg, hvort sem er á eignarlóðum eða leigulóðum skal greiða gatnagerðargjald til sveitarfélagsins samkvæmt gjaldskrá þessari. Um gatnagerðargjald fer að öðru leyti eftir lögum um gatnagerðargjöld nr. 17/1996 og reglugerð um gatnagerðargjöld nr. 543/1996. Einnig skal greiða vegna sömu framkvæmda stofngjald vatnsveitu skv. lögum um vatnsveitur nr. 81/1991, stofngjald holræsa skv. lögum nr. 15/1923 og byggingarleyfisgjald skv. lögum nr. 73/1997.

2. gr.

Tekjum sveitarfélagsins vegna gatnagerðargjalda skal varið til gatnagerðar og til þess að gera lóðir í einkaeigu byggingarhæfar sem og til að gera sveitarfélaginu kleift að bjóða byggingarhæfar leigulóðir í sveitarfélaginu. Einnig til að standa undir kostnaði við endurbyggingu gatna með tilheyrandi lögnum, við lagningu bundins slitlags og gangstétta, gerð umferðareyja, gangstíga og opinna svæða. Tekjum sveitarfélagsins vegna stofngjalds vatnsveitu skal varið til vatnsveituframkvæmda og tekjum vegna stofngjalds holræsa til holræsa-

framkvæmda. Byggingarleyfisgjald er til að standa undir hluta kostnaðar sveitarfélagsins við þjónustu skipulags- og byggingarfulltrúa við lóðarhafa og byggingaraðila.

Öll gjöld í gjaldskrá þessari taka breytingum mánaðarlega skv. breytingu á byggingarvísitölu. Grunnvísitala miðast við nóvember 2004, 303,9 stig.

3. gr.

Gatnagerðargjald er tvíþætt. Annars vegar er það vegna lóða sem ekki hefur verið veitt byggingarleyfi á áður við gildistöku þessarar samþykktar, þ.e. nýjar lóðir, og hins vegar vegna stækkunar á eldra húsnæði á þegar byggðum lóðum við gildistöku samþykktarinnar, þ.e. eldri lóðir. Gjaldskráin gildir jafnt fyrir leigulóðir og eignarlóðir.

a) Gatnagerðargjald vegna nýrra lóða (ath. verð breytast með byggingarvísitölu)

	kr. pr. m ^{2*}
1. Einbýlishúsalóðir	9.100
2. Parhús, tvíbýlishús, raðhús á einni hæð	7.400
3. Raðhús á 2 hæðum, fjölbýlishús með þremur íbúðum	6.500
4. Fjölbýlishús	4.160
5. Atvinnu- og þjónustuhúsnæði	4.500
6. Hesthús	4.000

b) Gatnagerðargjald vegna lóða, sem úthlutað hefur verið fyrir 8. desember 1999.

Lóðir sem úthlutað hefur verið eftir 9. desember 1999 greiða ekki frekara gatnagerðargjald en það sem þeim hefur verið gert að greiða í upphafi.

Af hverjum rúmmetra húss greiðist ákveðinn hundraðshluti byggingarkostnaðar pr. rúmmetra fjölbýlishúsa eins og hann er hverju sinni reiknaður af Rannsóknastofnun byggingariðnaðarins og Hagstofu Íslands.

Einbýlishús með eða án tvíbýlisaðstöðu, lágmarksgjald reiknað af 450 m ³	6,5%
Sama rými umfram 550 m ³	8,5%
Bifreiðageymslur á einbýlishúsalóðum, sólstofur og garðgeymslur allt að 20 m ²	3,25%
Rað- og parhús	5,5%
Bifreiðageymslur á parhúsalóðum, sólstofur og garðgeymslur allt að 20 m ²	2,25%
Fjölbýlishús	2,25%
Iðnaðarhús í skálabyggingum á einni hæð, stærra en 2000 m ³ + kr. 72,00 pr. m ² lóðar.	2,50%
Iðnaðarhús í skálabyggingum á einni hæð, minna en 2000 m ³ + kr. 72,00 pr. m ² lóðar.	2,75%
Verslunar-, skrifstofu- og iðnaðarhús	3,75%
Opinberar byggingar	6,50%
Annað húsnæði	4,75%

Ekki er greitt gatnagerðargjald fyrir lagnakjallara.

Ekki er greitt gatnagerðargjald fyrir garðhús undir 6 m² og heimilisgróðurhús undir 12 m². Fyrir stærri hús er greitt sama fermetragjald og gildir fyrir hesthús.

* m² er margfeldið af lóðarstærð og leyfðu nýtingarhlutfalli lóðar.

4. gr.

Stofngjald holræsa kr. 150 greiðist fyrir hvern samþykktan rúmmetra húsnæðis. Stofngjald í dreifbýli, eftir því sem við á, er skv. sérreglum sveitarfélagsins um fráveitu í dreifbýli.

5. gr.

Stofngjald vatnsveitu kr. 100 greiðist fyrir hvern samþykktan rúmmetra húsnæðis. Semja þarf sérstaklega um vatnsveitu í dreifbýli eða á stöðum fjarri dreifikerfislögnum vatnsveitu, þ.e. yfir 50 m.

6. gr.

Byggingarleyfis – og þjónustugjöld.*A – Byggingarleyfisgjöld.*

Samkvæmt gjaldskrá þessari skal greiða byggingarleyfisgjald fyrir útgáfu á byggingarleyfi sem byggingarfulltrúi / skipulags- og byggingarnefnd samþykkir.

Upphæðir gjaldskráar breytast mánaðarlega í takt við vísitölu byggingarkostnaðar sbr. 2. mgr. 2. gr.

Innifalið í byggingarleyfisgjaldi er ein yfirferð aðaluppdráttu, byggingarleyfi, útmæling fyrir greftri, útmæling og hæðarsetning fyrir uppslætti og útsetning lóðar, byggingareftirlit, lögbundnar úttektir, fokheldisvottorð og vottorð um lokaúttekt.

Íbúðarhúsnæði:

		kr.
Einbýlishús	pr. lóð	72.424
Parhús, tvíbýlishús, raðhús á einni hæð	pr. íbúð	62.092
Raðhús á fleiri en einni hæð, fjölbýlishús með þremur íbúðum	pr. íbúð	50.456
Fjölbýlishús, tvær hæðir, með fjórum íbúðum eða fleirum	pr. íbúð	43.157
Fjölbýlishús, þrjár hæðir og hærri með fjórum íbúðum og fleiri.	pr. íbúð	36.070

Atvinnu- og þjónustuhús og stofnanir, - einnig sama húsnæði með íbúðum:

	kr.
Gólfplötur allt að 500 fermetrar	72.458
Gólfplötur yfir 500 fermetrar	96.046

Ýmis hús og hvers konar viðbyggingar:

Sólstofur, garðhús, heimilisgróðurhús, bílgeymslur fyrir mest 2 bíla, gripahús og viðbyggingar allt að 20 fermetrar	30.041
Viðbyggingar 20-100 fermetrar	41.994

Viðbyggingar stærri en 100 fermetrar = sömu gjöld og af því húsnæði sem byggt er við. Ekki eru greitt byggingarleyfisgjald fyrir garðhús undir 6 fermetrum.

Eldri gjaldskrár byggingarleyfisgjalda falla úr gildi við gildistöku nýrrar.

B – Þjónustugjöld.

Greiða skal fyrir þjónustu og leyfisveitingu sem byggingarfulltrúi veitir umfram þá sem innifalin er í byggingarleyfisgjaldi. Upphæðir afgreiðslu- og þjónustugjalda breytast mánaðarlega í takt við byggingarvísitölu sbr. 2. mgr. 2. gr.

	kr.
• Hver endurskoðun aðaluppdráttá	7.404
• Afgreiðslugjald og endurnýjun leyfis án breytinga	4.760
• Aukavottorð um byggingarstig og stöðuúttekt	12.164
• Vottorð vegna vínveitingaleyfa	12.164
• Eignaskiptayfirlýsingar, hver umfjöllun	7.404
• Fyrir grenndarkynningu, minniháttar	7.933
• Fyrir grenndarkynningu, umfangsmikil	34.378
• Fyrir breytingu á lóðarsamningi	21.156
• Fyrir breytingu á lóðarblaði eða gerð nýs lóðarblaðs	12.000
• Húsaleiguúttektir	4.760
• Útkall byggingarfulltrúa að óþörfu	4.760
• Stöðuleyfi	4.760
• Fyrir hverja aukaúsetningu lóðar/húss; pr. mælingu	10.578

Fyrir gerð nýs deiliskipulags eða vegna breytinga á þegar samþykktu aðal- og/eða deiliskipulagi gildir eftirfarandi: Viðkomandi hagsmunaaðili ber allan kostnað af breytingunum, þó að undanskildum auglýsingarkostnaði.

Ljósritun, A2, A3, A4 (skv. kostnaði).

8. gr.

Gjöld samkvæmt gjaldskrá þessari skulu greidd skv. „Samþykkt um greiðslur og greiðslukjör vegna álagningar og innheimtu álagðra gjalda“.

9. gr.

Gjöld samkvæmt 3., 4. og 5. gr. gjaldskrár þessarar skulu endurgreidd ef lóðarhafi skilar úthlutaðri lóð eða ef lóðarúthlutun er afturkölluð. Endurgreiðslunni er heimilt að fresta þar til lóð hefur verið úthlutað að nýju en þó ekki lengur en í sex mánuði. Gjöld þessi skulu endurgreidd á nafnverði án verðbóta og vaxta og skuldaviðurkenningar skulu ógiltar á sannanlegan hátt. Ekki koma til bætur vegna hugsanlegra framkvæmda á lóðinni.

10. gr.

Gjaldskrá þessi er samin og samþykkt af bæjarstjórn Sveitarfélagsins Árborgar skv. lögum nr. 17. frá 21. mars 1996 og gildandi reglugerð um gatnagerðargjöld frá 8. október 1996. Gjaldskráin öðlast gildi þegar í stað.

Bráðabirgðaákvæði.

Ef húseigandi hefur skv. eldri samþykkt um gatnagerðargjöld greitt A-gatnagerðargjald á fullbyggðri lóð og B-gjald hefur ekki enn verið lagt á af hálfu sveitarfélagsins skal það lagt á þegar slitlag hefur verið sett á viðkomandi götu og gatnagerðargjald skv. eldri samþykktum lagt á viðkomandi húseign.

Samþykkt af bæjarstjórn Árborgar 22. desember 2004.

Selfossi, 3. janúar 2005.

Einar Njálsson bæjarstjóri.

REGLUR

um skattmat vegna tekna manna tekjuárið 2005.

Eftirfarandi reglur skulu gilda um mat á hlunnindum til tekna og kostnaði til frádráttar frá tekjum vegna tekjuársins 2005, sbr. 118. gr. laga nr. 90/2003, um tekjuskatt og eignarskatt, með áorðnum breytingum, sbr. og A-lið 1. mgr. 30. gr. og ákvæði í c-lið 6. gr. reglugerðar nr. 483/1994, um frádrátt frá tekjum af atvinnurekstri eða sjálfstæðri starfsemi. Skattmat þetta gildir einnig við staðgreiðslu opinberra gjalda á árinu 2005 nema um sé að ræða tekjur sem undanþegnar eru staðgreiðslu samkvæmt reglugerð nr. 591/1987, um laun, greiðslur og hlunnindi utan staðgreiðslu.

Skattmatið tekur til hvers þess sem nýtur hlunninda eða er aðnjótandi gæða, sem telja ber til tekna skv. 7. gr. laga nr. 90/2003, óháð starfssambandi milli þess er lætur hlunnindi eða gæði af hendi og þess sem þeirra nýtur. Skiptir ekki máli hvort það sem meta skal til tekna er endurgjald fyrir vinnu eða er tilkomið með öðrum hætti. Þegar talað er um launamann eða starfsmann í reglum þessum skal það eftir því sem við á einnig taka til maka hans og barna, svo og hvers þess aðila sem nýtur viðkomandi hlunninda í krafti eignar eða stjórnaraðildar eða vensla eða tengsla við þann sem hlunnindin lætur í té.

1. Almenn um mat á hlunnindum.

Telja ber til tekna hvers konar gæði sem mönnum hlotnast og metin verða til peningaverðs og skiptir þá ekki máli hvaðan þau stafa eða í hvaða formi þau eru. Á það t.d. við um fatnað, fæði, húsnæði, hvers konar fríðindi, greiðslur í vörum eða afurðum svo og framlög og gjafir sé verðmætið hærra en almennt gerist um tækifærisgjafir.

Þau gæði og hlunnindi, sem ekki hafa verið í krónum talin, skal meta til peningaverðs og telja þau til tekna á því verði. Skulu þau metin til tekna á gangverði eða markaðsverði á hverjum tíma nema við þau eigi sérstakt tekjumat, sbr. kafla 2 hér á eftir.

Séu hlunnindi, eða annað sem telja ber til tekna, látið af hendi gegn greiðslu sem er lægri en skattmatið eða gangverðið skal telja mismuninn til tekna.

2. Sérstakt tekjumat.

2.1 Ýmis starfstengd hlunnindi.

Allur viðurgjörningur launagreiðanda við starfsmenn í öðru en reiðufé er lagður að jöfnu við laun til þeirra og ber að telja til tekna. Með viðurgjörningi við starfsmenn er átt við fríðindi tengd starfinu, sem þeir njóta án þess að greiða fyrir það fullt verð, hvort sem um er að ræða að launþeginn fái eitthvað til eignar, afnota, láns eða neyslu. Viðurgjörningur við starfsmenn telst til tekna miðað við markaðsverð eða gangverð, þ.e. það verð sem það hefði kostað launþegann að kaupa, leigja eða greiða fyrir afnot af því sem féll til hans.

Tiltekinn viðurgjörningur við starfsmenn, sem er í mjög nánnum tengslum við störf þeirra, almennur og aðgengilegur öllum, þarf ekki að telja til tekna, enda sé kostnaður hæfilegur miðað við einstök tilefni og heildstætt á árinu. Til þessa viðurgjörnings teljast árs hátíðir starfsmanna, jólagleði og sambærilegar samkomur, svo og starfsmannaferðir, fyrirbyggjandi heilbrigðisþjónusta, afnot af heilsubótaraðstöðu á starfsstað, kaffiveitingar í vinnutíma og námskeið sem tengjast starfinu beint. Til hans teljast ennfremur framlög til starfsmannafélaga vegna þessara liða.

Sé kostnaður á starfsmann samtals ekki hærri en 50.000 krónur á árinu skal hann ekki talinn til skattskyldra tekna hjá starfsmanninum. Sé kostnaðurinn í heild hærri en að framan greinir telst heildarfjárhæðin viðkomandi starfsmanni að fullu til tekna.

Hlunnindi sem sæta sérstöku skattmati í samræmi við eftirfarandi, og viðurgjörningur sem eingöngu eða fyrst og fremst er vegna einkaparfa teljast alltaf til skattskyldra tekna.

2.2 Fatnaður.

Einkennisfatnaður sem launagreiðandi lætur launþega í té án endurgjalds skal metinn honum til tekna sem hér segir:

	kr.
Einkennisyfírhafnir	11.000
Stakir hlutar einkennisfatnaðar:	
Buxur/pils	4.000
Jakki/kuldagalli	11.000
Peysa/skyrta/blússa/vesti	2.000
Hálsbindi/slæða/belti	1.000
Skór	6.000

Nái kostnaðarverð fatnaðar ekki framangreindu mati skal miða við kostnaðarverðið. Við mat á því hvað telst til einkennisfatnaðar skal tekið tillit til fjölda starfsmanna sem fær slíkan fatnað afhentan, útlits fatnaðarins, t.d. þess hvort hann ber lit eða önnur ytri sérkenni sem einkennandi eru fyrir viðkomandi atvinnurekanda. Gera skal ráð fyrir að einkennisfatnaður aðgreini viðkomandi starfsmann frá hinum almenna borgara og að um sé að ræða fatnað sem ekki er fallinn til afnota utan vinnutíma og almennt ekki ætlaður til slíkra nota. Annar fatnaður en einkennisfatnaður sem starfsmanni er látinn í té skal talinn honum til tekna á gangverði.

Eigi skal reikna launþega til tekna nauðsynlegan öryggis- eða hlífðarfatnað við störf hans sem launagreiðandi afhendir honum til afnota.

2.3 Bifreiðahlunnindi.

Full og ótakmörkuð umráð.

Láti launagreiðandi starfsmanni sínum í té fólksbifreið, þ.m.t. skutbifreið (station) og jeppabifreið, eða aðra bifreið sem hægt er að hafa sambærileg not af, til fullra umráða skal meta umráðin starfsmanni til tekna án tillits til notkunar hans á bifreiðinni.

Ársumráð bifreiðar sem tekin var í notkun á árunum 2003, 2004 eða 2005, skulu metin til tekna sem 20% af verði bifreiðarinnar. Umráð eldri bifreiðar skulu metin til tekna sem 15% af verði hennar. Ekki skiptir máli hver upphaflegur eigandi bifreiðarinnar var. Bifreið sem flutt var inn notuð telst hafa verið tekin til notkunar á því ári sem hún var framleidd. Mánaðarleg hlunnindi teljast 1/12 af hlunnindum reiknuðum eins og að framan greinir fyrir hvern byrjaðan mánuð og skal við það miðað ef umráðin vara hluta úr ári.

Verð bifreiða eru í þessu sambandi skilgreind í bæklingnum Bifreiðaskrá RSK 6.03, sem gefinn er út árlega og fæst hjá skattstjórum og ríkisskattstjóra www.rsk.is. Sé verð bifreiðar ekki að finna þar skal það vera jafnt staðgreiðsluverði samkvæmt verðlista á nýrri sams konar bifreið frá bifreiðaumboði. Til viðbótar við verð samkvæmt skránni skal koma verð á hvers konar auka- eða sérútbúnaði bifreiðarinnar. Sé ný bifreið eigi til sölu og eigi unnt að fá upplýsingar um verð á henni skal miða við verð á sambærilegum bifreiðum.

Greiði launagreiðandi rekstrarkostnað bifreiðar sem starfsmaður hans hefur umráð yfir skulu þau hlunnindi metin til verðs sem 6% af verði bifreiðarinnar skv. Bifreiðaskrá RSK.

Greiði launamaður launagreiðanda sínum fyrir afnot og/eða rekstur bifreiðarinnar koma slíkar greiðslur til frádráttar tekjumatinu.

Takmörkuð afnot.

Hafi starfsmaður haft afnot af bifreið launagreiðanda síns og honum er einungis heimilt að nota hana utan vinnutíma til aksturs milli heimilis og vinnustaðar og til einstakra tilfallandi afnota telst hann hafa takmörkuð afnot af bifreiðinni, enda sé hún að öðru leyti notuð í daglegum rekstri launagreiðanda. Takmörkuð afnot skulu metin til tekna miðað við 62 kr. á hvern ekinn kílómetra. Gögn um takmörkuð afnot skulu greinilega færð og vera aðgengileg skattýfirvöldum hvort sem er í bókhaldi launagreiðanda eða hjá starfsmanni. Sé um frekari afnot að ræða telst starfsmaður hafa full umráð bifreiðar eins og greint er frá hér að framan.

Þeir sem starfa við eigin atvinnurekstur eða stunda sjálfstæða starfsemi, eigendur fyrirtækja, framkvæmdastjórar þeirra og aðrir í sambærilegum störfum og stjórnarmenn félaga teljast hafa full og ótakmörkuð umráð yfir þeim fólksbifreiðum sem þeir hafa til einkanota.

2.4 Fæði.

Fæði, sem launagreiðandi lætur starfsmanni og fjölskyldu hans í té endurgjaldslaust, skal metið starfsmanninum til tekna sem hér segir:

	kr.
Morgunverður	250
Hádegisverður eða kvöldverður	360
Fullt fæði á dag	970

2.5 Íbúðarhúsnæði og orlofshús.

Endurgjaldslaus afnot af íbúðarhúsnæði, sem launagreiðandi lætur starfsmanni í té skulu metin starfsmanninum til tekna sem hér segir:

Árleg afnot skulu metin til tekna sem jafngildi 5% af fasteignamati íbúðarhúsnæðisins (þ.m.t. bílskúr) og lóðar og margfölduð með gildistölu þess svæðis þar sem húsnæðið er sbr. eftirfarandi;

Gildistala	Staðsetning
1,0	Reykjavík (þar með talið Kjalarnes), Seltjarnarnes, Mosfellsbær, Kópavogur, Garðabær, Bessastaðahreppur, Hafnarfjörður.
0,80	Grindavík, Sandgerði, Gerðahreppur, Reykjanesbær, Vatnsleysustrandarhreppur, Akranes, Akureyri, Árborg, Hveragerði, Ölfus.
0,70	Önnur sveitarfélög.

Endurgjaldslausa orkunotkun (rafmagn og hita) skal telja til tekna á kostnaðarverði.

Fylgi starfi launamanns kvöð um búsetu í húsnæði, sem launagreiðandi lætur honum í té, er skattstjóra heimilt að lækka mat húsnæðishlunninda við álagningu opinberra gjalda ef launþegi telst ekki nýta húsnæðið að fullu. Íbúðarhúsnæði allt að 150 m² að viðbættum 5 m² fyrir hvern íbúa umfram 6 telst fullnýtt.

Eigi skal meta til tekna afnot af húsnæði í verbúðum eða vinnubúðum þar sem launamaður dvelur um takmarkaðan tíma í þjónustu launagreiðanda.

Hafi launþegi endurgjaldslaus afnot af orlofshúsnæði frá launagreiðanda sínum skal telja launþeganum til tekna 1.500 kr. fyrir hvern dag sem hann eða aðrir fjölskyldumeðlimir hans hafa húsnæðið til afnota. Með orlofshúsnæði er í þessu sambandi átt við sumarbústaði og annað það húsnæði sem ætlað er til slíkrar notkunar.

2.6 Lán.

Sá sem fær vaxtalaust lán hjá launagreiðanda sínum eða fyrir milligöngu hans skal telja sér vaxtahagræðið til tekna. Sama á við um greiðslufresti og afborganir af kaupum á hluta-

brefum eða öðrum eignum. Fyrir árið 2005 miðast tekjumatið við 9,0% ársvexti af höfuðstól með verðbótum. Séu vextir af fengnu láni lægri en framangreindir vextir skal telja mismuninn til tekna.

3. Frádráttur frá tekjum.

3.1 Frádráttur kostnaðar á móti ökutækjastyrk.

Frá ökutækjastyrk, sem launþegi hefur fært til tekna, skal leyfa sem frádrátt sannanlegan rekstrarkostnað sem starfsmaður hefur borið vegna rekstrar ökutækis. Skilyrði fyrir frádrættinum er að færð hafi verið akstursdagbók eða akstursskýrsla þar sem skráð er hver ferð, dagsetning, ekin vegalengd, aksturserindi, kílómetragjald, nafn og kennitala launamanns og einkennisnúmer viðkomandi ökutækis, sbr. reglugerð nr. 591/1987 um laun, greiðslur og hlunnindi utan staðgreiðslu. Skal færa þessi gögn reglulega og skulu þau vera aðgengileg skattyfivöldum þegar þau óska þess.

Kostnaður við rekstur ökutækis telst því aðeins sannaður að fullnægt sé neðangreindum skilyrðum:

- 1) Á eyðublaði RSK 3.04, ökutækjastyrkur og ökutækjarekstur, eða á annan jafn fullnægjandi hátt, sé gerð sundurliðun á heildarrekstrarkostnaði ökutækisins, þ.m.t. árleg afskrift mest einnar bifreiðar, sem reiknast 370.000 kr. Afskrift ökutækis sem notað er hluta úr ári reiknast hlutfallslega.
- 2) Á eyðublaði RSK 3.04 komi fram sundurliðun á heildarnotkun ökutækisins í a) akstur til og frá vinnu, en hann telst allur vera í eigin þágu, b) annan akstur í eigin þágu og c) akstur í þágu launagreiðanda.

Til frádráttar skal leyfa þann hluta af heildarrekstrarkostnaði bifreiðarinnar sem svarar til afnota hennar í þágu launagreiðanda, þó að hámarki 62 kr. á hvern ekinn km í þágu launagreiðanda. Aldrei leyfist þó hærri fjárhæð til frádráttar en talin er til tekna sem ökutækjastyrkur.

Fái launþegi greitt svonefnt „sérstakt gjald“ eða „torfærugjald“ á árinu 2005 fyrir akstur við erfiðar aðstæður má hækka hámarksfrádrátt fyrir hvern ekinn km sem hann fær greiddan samkvæmt „sérstöku gjaldi“ í 71,30 kr. og/eða samkvæmt „torfærugjaldi“ í 89,90 kr., enda sé gerð fullnægjandi grein fyrir því að forsendur fyrir greiðslu sérstaks gjalds og torfærugjalds séu uppfylltar.

Fái starfsmaður greiðslu fyrir almenn afnot af bifreið sinni og endurgreiðsla á kostnaði hafi verið miðuð við 2000 km eða minna er ekki krafist sundurliðunar á rekstrarkostnaði, sbr. tölulið 1 hér að framan. Skilyrði er að færð hafi verið akstursdagbók eða akstursskýrsla eða fyrir liggja skriflegur afnotasamningur þar sem aksturserindum er lýst og að eyðublað RSK 3.04 hafi verið útfyllt, sbr. tölulið 2 hér að framan.

3.2 Frádráttur á móti dagpeningum.

Frádráttur á móti dagpeningum sem launþegi hefur fengið greidda frá launagreiðanda sínum er heimill, enda hafi dagpeningarnir verið greiddir vegna tilfallandi ferða á vegum launagreiðandans utan venjulegs vinnustaðar og launþeginn greitt gistingu og fæði og annan ferðatengdan kostnað, svo sem fargjöld að og frá flugvöllum. Frádrátturinn er jafnframt háður því skilyrði að fyrir liggja í bókhaldi launagreiðanda, sem og hjá launþega, gögn um tilefni ferðar og fjölda dvalardaga, fjárhæð ferðapeninga eða dagpeninga, svo og nafn og kennitala launþega.

Að uppfylltum framangreindum skilyrðum er leyfilegur frádráttur frá greiddum dagpeningum á árinu 2005 sem hér segir:

Frádráttur á móti dagpeningum innanlands.

Fyrir gistingu og fæði í einn sólarhring	13.100
Fyrir gistingu í eina nótt	7.500
Fyrir fæði hvern heilan dag, minnst 10 tíma ferðalag	5.600
Fyrir fæði í hálfan dag, minnst 6 tíma ferðalag	2.800

Frádráttur vegna dagpeninga erlendis í SDR.

	Almennir dagpeningar		Dagpeningar vegna þjálfunar, náms o.fl.	
	Gisting	Annað	Gisting	Annað
London, New York borg, Washington DC og Tókýó	145	110	93	70
Annars staðar	110	100	70	64

Sé dvalið skemur en 3 vikur á sama stað er heimilt að draga frá óskerta almenna dagpeninga. Sé dvalið 3 vikur eða lengur á sama stað er heimilt að draga frá óskerta almenna dagpeninga fyrstu vikuna en síðan þjálfunar-, náms- eða eftirlitsdagpeninga. Fari dvöl erlendis vegna þjálfunar, náms eða eftirlitsstarfa fram úr 3 mánuðum skal frádráttur vegna þjálfunar-, náms- og eftirlitsdagpeninga lækka um fjórðung þann tíma sem dvalið er lengur en 3 mánuði.

Hafi gisting launþega verið greidd samkvæmt reikningi er honum einungis heimilt að draga fjárhæð samsvarandi „Annað“ frá fengnum dagpeningum.

Hafi starfsmaður fengið greidda dagpeninga fyrir samtals 30 daga eða fleiri á árinu 2005 skulu viðmiðunarfjárhæðir hér að framan lækka um 1000 kr. fyrir hvern dag sem dagpeningagreiðslur fara fram yfir 30 daga samfelt. Gildir það bæði varðandi almenna dagpeninga erlendis, dagpeninga vegna þjálfunar, náms eða eftirlitsstarfa og dagpeninga innanlands. Samsvarandi fjárhæð vegna dagpeningagreiðslna innanlands fyrir hálfan dag er 500 kr.

Frá tekjum manna af atvinnurekstri eða sjálfstæðri starfsemi er heimilt, í stað þess að ferðakostnaður annar en gisti- og fæðiskostnaður erlendis sé dreginn frá samkvæmt reikningi, að draga frá fasta fjárhæð, sem hæst getur orðið 30% af þeim hluta dagpeninga, sbr. framangreint, sem er vegna annars kostnaðar en gistingar.

3.3 Vinna erlendis.

Sé dvöl launþega erlendis vegna tímabundinna starfa þar á vegum íslensks launagreiðanda eiga reglur í tölulíð 3.2 um frádrátt á móti dagpeningum vegna ferðalaga ekki við en honum er þá heimilt að draga frá sérgreindum greiðslum, sem hann kann að hafa fengið vegna upphalds, í allt að 3 ár fjárhæð sem hæst getur orðið 30 SDR á dag. Skiptir ekki máli í þessu sambandi þó launþegi komi í stuttar heimsóknir hingað til lands á umræddu tímabili.

3.4 Frádráttur vegna fóstunar barna.

Ef framteljandi hefur fengið greiðslur vegna barna sem sett eru í fóstur hjá honum af barnaverndarnefnd eða meðferðarstofnunum ber að tekjufæra þær greiðslur. Færa má til frádráttar sannanlegan kostnað sem beint tengist þessum greiðslum. Þegar um er að ræða vistun eins eða tveggja barna má færa í stað sannanlegs kostnaðar, vegna hvers barns, frádrátt sem svarar til tvöfalds barnalífeyris, en þó aldrei hærri fjárhæð en greiðslunum nemur.

3.5 Frádráttur vegna dagvistunar eða sumardvalar barna og til stuðningsfjölskyldna fatlaðra barna.

Í stað frádráttar sem byggist á sannanlegum kostnaði er í slíkum rekstri heimilt að færa til frádráttar vegna barna eldri en tveggja ára 90 kr. fyrir hvern veittan morgunverð eða síðdegishressingu og 200 kr. fyrir hvern veittan hádegis- eða kvöldverð. Fyrir börn tveggja ára og yngri má færa til frádráttar helming þessara fjárhæða. Slíkur frádráttur má þó aldrei vera hærri en innheimt var fyrir fæði samkvæmt gjaldskrá.

Í stað sannanlegs viðhaldskostnaðar húsnæðis og húsbúnaðar, kostnaðar vegna hreinlætisvara, föndurvara, bóka, bifreiðakostnaðar, gæsluvallagjalda o.þ.h. má færa til frádráttar á móti öðrum tekjum en vegna fæðissölu 14% af þeim tekjum. Ef um sumardvöl er að ræða má færa til frádráttar 20% af tekjum án fæðissölu, enda sé um gistingu að ræða. Slíkur frádráttur má þó aldrei vera hærri fjárhæð en innheimt er vegna þessara liða samkvæmt gjaldskrá.

Hjá stuðningsfjölskyldum fatlaðra barna eru sömu skilyrði og að framan greinir fyrir frádrætti í stað sannanlegs kostnaðar. Þá eru sömu reglur um fæðiskostnað og um frádrátt frá tekjum eftir því hvort viðkomandi barn er í dag- eða sólarhringsvistun. Sé um kostnað að ræða sem leiðir af sérþörfum barnsins vegna fötlunar má færa þann kostnað til frádráttar auk frádráttar samkvæmt mati ríkisskattstjóra, enda sé gerð sérstök grein fyrir honum.

3.6 Frádráttur vegna vistunar aldraðra og öryrkja.

Ef um er að ræða greiðslur vegna vistunar aldraðra eða öryrkja í heimahúsum er heimilt í stað sannanlegs kostnaðar að færa til frádráttar á móti greiðslum sem svarar til tvöfalds ellilífeyris (grunnlífeyris), en þó aldrei hærri fjárhæð en nemur greiðslunum.

3.7 Fæðisfrádráttur hjá launagreiðanda.

Launagreiðendur sem ekki færa sérreikning yfir fæðiskostnað launþega sinna mega draga frá tekjum sínum af atvinnurekstri eða sjálfstæðri starfsemi 820 kr. fyrir hvern heilan fæðisdag sem þeir láta launþegum sínum í té fæði án endurgjalds. Sama gildir um fæði sem launagreiðandi lætur fjölskyldu launþegans í té án endurgjalds.

Fjármálaráðuneytinu, 6. janúar 2005.

Geir H. Haarde.

Marianna Jónasdóttir.

REGLUGERÐ

um breyting á reglugerð nr. 990/2001, um greiðslu vaxtabóta, með síðari breytingum.

1. gr.

Eftirfarandi breytingar verða á 9. gr.:

- a. Í stað 1. másl. 1. mgr. koma þrír nýir máslíðir, svohljóðandi: Vaxtagjöld til útreiknings vaxtabóta miðast við fjárhæð vaxtagjalda, sbr. 7. gr., hjá hverjum framteljanda. Við ákvörðun vaxtabóta á árinu 2006 vegna vaxtagjalda og tekna á árinu 2005 og eigna og skulda í lok þess árs, geta vaxtagjöld til útreiknings vaxtabóta ekki orðið

hærri en 5% af skuldum sem stofnað hefur verið til vegna öflunar íbúðarhúsnæðis til eigin nota eins og þær eru í árslok ársins 2005. Við ákvörðun vaxtabóta á árinu 2005 vegna vaxtagjalda og tekna á árinu 2004 og eigna og skulda í lok þess árs, geta vaxtagjöld til útreiknings vaxtabóta ekki orðið hærri en 5,5% af skuldum sem stofnað hefur verið til vegna öflunar íbúðarhúsnæðis til eigin nota eins og þær eru í árslok ársins 2004.

- b. Í stað „480.371“, „630.626“ og „780.878“ í 2. mgr. kemur: 494.782, 649.544, og 804.304.

2. gr.

Í stað „3.613.148“, „5.781.037“, „5.989.414“ og „9.583.062“ í 10. gr. kemur: 3.721.542, 5.954.467, 6.169.097 og 9.870.555.

3. gr.

Í stað „164.603“, „211.691“, „272.206“ og „600“ í 11. gr. kemur: 169.541, 218.042, 280.372, og 618.

4. gr.

Í stað „120.093“, „157.657“, „195.220“, „41.151“, „52.923“ og „68.052“ í 15. gr. kemur: 123.696, 162.386, 201.076, 42.385, 54.511 og 70.093.

5. gr.

Í stað „600“ í 2. mgr. 17. gr. kemur: 618.

6. gr.

Við reglugerðina bætist eitt nýtt ákvæði til bráðabirgða sem orðast svo:

Vaxtabætur við álagningu á árinu 2005 vegna vaxtagjalda á árinu 2004 skulu nema 95% af fjárhæð vaxtabóta reiknaðra samkvæmt 10. og 11. gr. reglugerðar þessarar.

7. gr.

Reglugerð þessi er sett með stoð í B-lið 68. gr. og 121. gr. laga nr. 90/2003, um tekju-skatt og eignarskatt, með síðari breytingum, og öðlast þegar gildi.

Fjármálaráðuneytinu, 7. janúar 2005.

F. h. r.

Marianna Jónasdóttir.

Guðmundur Thorlacius.

GJALDSKRÁ

fyrir söfnun, förgun, móttöku og flokkun sorps í Borgarbyggð.

1. gr.

Bæjarstjórn Borgarbyggðar er heimilt að leggja á sérstakt sorpgjald vegna söfnunar, förgunar, móttöku og flokkunar á sorpi í sveitarfélaginu samkvæmt 7. gr. samþykktar um söfnun, förgun, móttöku og flokkun sorps í Borgarbyggð.

2. gr.

Bæjarstjórn Borgarbyggðar hefur ákveðið að sorpgjald í þéttbýli á hvert heimili verði kr. 18.100 og kr. 7.900 á hvert heimili í dreifbýli Borgarbyggðar. Auk þess hefur bæjarstjórn ákveðið að sorpgjald frístundahúsa verði kr. 6.500.

Fyrir hvert aukasorpilát í þéttbýli skal greiða gjald vegna söfnunar og förgunar á sorpi kr. 8.700.

Ofangreind gjöld skulu innheimt samhliða fasteignagjöldum.

3. gr.

Gjaldskrá vegna móttöku- og flokkunarstöðvar í Borgarnesi (gámastöðvar) skal vera með eftirfarandi hætti, virðisaukaskattur innifalinn. Gjaldskrá vegna þessa liðar skal taka breytingum í takt við lið 08. Vélavinna og akstur í byggingarvístölu fjölbýlishúss um hver áramót. Neðangreint verð miðast við grunnvísitölu 266,6.

	kr.
Brotmálmar	1.200 per m ³ .
Brotmálmar	4.700 per tonn.
Farartæki (losun á olíu, eldsneyti og kælivökva)	5.900 per stk.
Timbur	700 per m ³ .
Grófur úrgangur (grjót, gler, garðaúrgangur, jarðvegur o.s.frv.)	650 per m ³ .
Pappír (ekki bylgjupappi)	1.750 per m ³ .
Blandað pressanlegt sorp	1.750 per m ³ .

Í ofangreindri gjaldskrá er reiknað með að komið sé með flokkað sorp á gámastöðina. Ef ekki er forflokkað greiðist 20% álag ofan á ofangreind verð.

Bæjarstjórn Borgarbyggðar getur gefið út klippikort með eða án afsláttar vegna gjaldheimtu á ofangreindri þjónustu.

Íbúar geta afhent allt að tveimur rúmmetrum af úrgangi frá heimilum í einu án þess að greitt sé fyrir.

Atvinnurekstur skal ávallt greiða fyrir móttöku og flokkun á úrgangi á gámastöðinni.

Tekið er á móti spilliefnum án endurgjalds.

4. gr.

Gjaldskrá þessi sem er samþykkt af bæjarstjórn Borgarbyggðar staðfestist hér með samkvæmt ákvæðum 25. gr. laga nr. 7/1998 um hollustuhætti og mengunarvarnir til þess að öðlast þegar gildi. Frá sama tíma fellur úr gildi gjaldskrá nr. 27/2004 um söfnun, förgun, móttöku og flokkun sorps í Borgarbyggð.

Borgarnesi, 3. janúar 2005.

Páll Brynjarsson bæjarstjóri.

GJALDSKRÁ

fyrir fráveitugjald og tæmingu rotþróa í Sveitarfélaginu Árborg.

1. gr.

Sveitarfélagið Árborg innheimtir gjald fyrir fráveitu og hreinsun rotþróa í sveitarfélaginu skv. gjaldskrá þessari og II. kafla í samþykkt nr. 126/2004 um fráveitur í Sveitarfélaginu Árborg.

2. gr.

Stofngjald fyrir tengingu og lagningu frárennislislagna við holræsakerfi sveitarfélagsins hefur verið ákvarðað í gjaldskrá fyrir gatnagerðargjöld, stofngjöld holræsa, stofngjald vatnsveitu, byggingarleyfis- og þjónustugjöld í Sveitarfélaginu Árborg nr. 790/2003.

3. gr.

Álagningarstofn fráveitugjalds skal vera fasteignamat húsa, mannvirkja, lóða og landa, samkvæmt lögum um skráningu og mat fasteigna nr. 94/1976, með síðari breytingum.

Fráveitugjald skal nema 0,275% af álagningarstofni. Sé ekkert mannvirki á lóð greiðist ekki fráveitugjald.

Gjalddagar fráveitugjalds skulu vera þeir sömu og bæjarstjórn ákveður fyrir fasteignaskatt og skal innheimtu þess hagað á sama hátt og innheimtu fasteignaskatts.

4. gr.

Rotþróargjald fyrir hverja rotþró skal vera eftirfarandi fyrir hverja losun fyrir sig:

	<i>Stærð í lítrum</i>	<i>Rotþróargjald í kr.</i>
Rotþró	<4.000	13.500
Rotþró	4.001 - 6.000	15.500
Rotþró	6.001 - 8.000	17.600
Rotþró	8.001 - 10.000	21.700
Rotþró	>10.000	2.100 kr. per umfram rúmmetra

Verð miðast við að hreinsibíll þurfi ekki að standa fjær rotþró en 10 metra. Fyrir hverja 10 metrar umfram það skal greiða kr. 1.800.

5. gr.

Gjöld skv. gjaldskrá þessari má taka lögtaki og má gera lögtak í hinni skattskyldu eign án tillits til eigendaskipta. Njóta gjöldin lögveðréttar í lóð og mannvirkjum næstu tvö ár eftir gjalddaga með forgangsrétti fyrir hvers konar samningsveði og aðfararveði.

6. gr.

Gjaldskrá þessi, sem samin er og samþykkt af bæjarstjórn Árborgar staðfestist hér með samkvæmt X. kafla vatnalaga nr. 15/1923 og 25. gr. laga um hollustuhætti- og mengunarvarnir nr. 7/1998 til að öðlast gildi við birtingu og til eftirbreytni öllum sem hlut eiga að máli.

Samþykkt af Heilbrigðiseftirliti Suðurlands 30. desember 2004.

Selfossi, 3. janúar 2005.

Einar Njálsson bæjarstjóri.

REGLUR

um skráningu einstaklinga, sem andmæla því að nöfn þeirra séu notuð í markaðssetningarstarfsemi og notkun slíkrar skrár.

1. gr.

Hagstofa Íslands, þjóðskrá skal halda skrá yfir nöfn þeirra manna sem andmæla því að nöfn þeirra séu notuð í markaðssetningarstarfsemi. Skrá þessi er nefnd „bannskrá“ í reglum þessum.

2. gr.

Með andmælum við markaðssetningarstarfsemi er átt við að menn óski eftir því að nöfn þeirra verði felld niður við notkun hvers kyns skráa, sem beitt kann að vera í markaðssetningarskyni.

Með markaðssetningarstarfsemi er átt við útsendingu dreifibréfa, happdrættismiða, gíróseðla, auglýsinga og kynningarefnis, símhringingar, útsendingu tölvupósts eða hliðstæðar aðferðir, sem varða kaup eða leigu á vöru eða þjónustu eða þátttöku í tiltekinni starfsemi, hvort sem hún er viðskiptalegs eðlis eða varðar tómsundur, afþreyingu, námskeið eða samþæringu atferli.

3. gr.

Þeir sem vilja skrá nöfn sín á bannskrá Hagstofunnar skulu snúa sér til þjóðskrár með slíka ósk. Þjóðskrá skal verða við beiðni manna um skráningu á bannskrá fyrir þá sjálfa og ólöggráða börn þeirra svo og um skráningu annarra heimilismanna hafi þeir lagt fram skriflega ósk þar að lútandi eða veitt umboð til þess.

4. gr.

Þeim sem stunda markaðssetningarstarfsemi er skylt að beita bannskrá við starfsemi sína samkvæmt 2. mgr. 2. gr. þessara reglna.

5. gr.

Bannskrá er hluti af rafrænu gagnasafni þjóðskrár.

Bannskrár má afla hjá þeim fyrirtækjum (miðlurum) sem miðla þjóðskrárupplýsingum samkvæmt samningi við Hagstofu Íslands, þjóðskrá. Miðlarar þjóðskrár mega veita aðgang að bannskrá gegn gjaldi sem hér segir:

- a. með afhendingu sjálfstæðrar skrár með nöfnum, kennitölum og heimilisföngum,
- b. með afhendingu grunnskrár þjóðskrár eða
- c. með samkeyrslu bannskrár við fyrirhugaðar útsendingarskrár.

6. gr.

Í samningum sem Hagstofa Íslands, þjóðskrá, gerir við fyrirtæki um afnot af nafnaskrá þjóðskrár til vinnslu úrtaksgagna og til póstdreifingar skal kveðið skýrt á um skyldur varðandi meðferð nafna á bannskrá sem hér segir:

- a. Skylt er að fella niður við áritanir og útskriftir öll nöfn sem eru á bannskrá og eru sérstaklega merkt í nafnaskránni. Jafnframt er skylt að verða tafarlaust við öllum beiðnum um að nöfn séu afmáð af útsendingarskrám.
- b. Rita skal á áberandi stað á umslög, dreifibréf, happdrættismiða, gíróseðla eða annan póst, sem dreift verður samkvæmt skránni, að þessum pósti sé dreift eftir skrá í vörslu hlutaðeigandi og að þeir sem kynnu að óska eftir því að losna undan slíkum sendingum framvegis, geti tilkynnt þjóðskrá þá ósk sína og fengið nöfn sín skráð á bannskrá.

c. Skylt er að uppfæra nafnaskrána eigi sjaldnar en einu sinni í mánuði.

7. gr.

Reglur þessar eru settar samkvæmt 2. mgr. 28. gr. laga um persónuvernd og meðferð persónuupplýsinga nr. 77 23. maí 2000, sbr. 8. gr. laga nr. 90/2001.

8. gr.

Reglur þessar öðlast þegar gildi.

Reykjavík, 5. janúar 2005.

Davíð Oddsson.

Hallgrímur Snorrason.

GJALDSKRÁ

fyrir stofngjald fráveitu, fráveitugjald og rotþróargjald í Borgarbyggð.

1. gr.

Bæjarsjóður Borgarbyggðar innheimtir gjald fyrir fráveitu í Borgarbyggð og hreinsun rotþróa í Borgarbyggð skv. gjaldskrá þessari og samþykkt nr. 234/2002 um fráveitur í Borgarbyggð.

2. gr.

Stofngjald fyrir tengingu og lagningu frárennislagna við holræsakerfi sveitarfélagsins skal vera:

	kr.
Fyrir einbýlishús	35.000 á hvert hús.
Fyrir fjölbýlishús	11.750 á hverja íbúð.
Fyrir annað húsnæði	50 á hvern m ³ í húsnæðinu að 4000 m ³ 12 á hvern m ³ >4000 m ³

Ef um tvöfalt frárennisliskerfi er að ræða skulu ofangreindar tölur margfaldaðar með tveimur.

3. gr.

Álagningarstofn fráveitugjalds skal vera fasteignamat húsa, mannvirkja, lóða og landa, samkvæmt lögum um skráningu og mat fasteigna nr. 94/1976, með síðari breytingum.

Fráveitugjald skal nema 0,18% af álagningarstofni. Sé ekkert mannvirki á lóð greiðist ekki fráveitugjald.

Gjalddagar fráveitugjalds skulu vera þeir sömu og sveitarstjórn ákveður fyrir fasteignaskatt og skal innheimtu þess hagað á sama hátt og innheimtu fasteignaskatts.

4. gr.

Rotþróargjald fyrir hverja rotþró skal vera eftirfarandi fyrir hverja losun fyrir sig:

	Stærð í m ³	Rotþróargjald í kr.
Rotþró	0 - 2.000	9.500
Rotþró	2.000 - 3.000	11.200
Rotþró	3.000 - 4.000	13.700
Rotþró	4.000 - 6.000	15.300
Rotþró	6.000 - 8.000	17.600
Rotþró	8.000 - 10.000	21.200
Rotþró	> 10.000	2.400 pr. umframrúmmetra.

Verð miðast við að hreinsibíll þurfi ekki að standa fjær rotþró en 10 metra. Fyrir hverja 10 metra umfram það skal greiða kr. 1.750.

5. gr.

Gjöld skv. gjaldskrá þessari má taka lögtaki og má gera lögtak í hinni skattskyldu eign án tillits til eigendaskipta. Njóta gjöldin lögveðréttar í lóð og mannvirkjum næstu tvö ár eftir gjalddaga með forgangsrétti fyrir hvers konar samningsveði og aðfararveði.

6. gr.

Gjaldskrá þessi staðfestist hér með samkvæmt X. kafla vatnalaga nr. 15/1923 og 25. gr. laga um hollustuhætti- og mengunarvarnir nr. 7/1998 til að öðlast þegar gildi og birtist til eftirbreytni öllum sem hlut eiga að máli.

Borgarnesi, 2. janúar 2005.

Páll S. Brynjarsson bæjarstjóri.

AUGLÝSING

ríkisskattstjóra nr. 2/2005 um reikning fyrninga og vaxta vegna fjármögnunarleigu fólksbifreiða skv. 4. tölul. 50. gr. laga nr. 90/2003, um tekjuskatt og eignarskatt.

Ríkisskattstjóri hefur ákveðið að eftirfarandi reglur skuli gilda gjaldárið 2005 við útreikning frádráttarbærs hluta leigugreiðslna vegna fjármögnunarleigu á fólksbifreiðum fyrir færri en 9 menn að undanskildum leigubifreiðum:

1. Fyrningargrunnur telst vera kaupverð bifreiðar eins og það er ákveðið við kaup leigusala (fjármögnunarleigufyrirtækis) á viðkomandi bifreið að frádregnum áður fengnum fyrningum.
2. Til frádráttar hjá leigutaka á rekstrarárinu 2004 telst 20% fyrning af fyrningargrunni skv. 1. tölul. hér að framan, að viðbættum 8,3% vöxtum reiknuðum hlutfallslega miðað við upphaf eða lok leigutíma á árinu 2004. Vextir reiknast af fyrningargrunni.
3. Fyrning skv. 2. tölul. hér að framan er heimil að fullu rekstrarárið 2004 hvort sem leigutímabilið hefst eða því lýkur á því ári.

Reykjavík, 7. janúar 2005.

Indriði H. Þorláksson ríkisskattstjóri.

GJALDSKRÁ

fyrir undanþágu frá banni við hundahaldi í Borgarnesi árið 2005.

1. gr.

Skráningargjald sbr. staflíð c í 2. gr. samþykktar nr. 577/1995 um bann við hundahaldi í Borgarnesi skal árið 2005 vera kr. 3.000 og greiðist við skráningu hundsins.

2. gr.

Árgjald fyrir að halda hund sbr. staflíð c í 2. gr. framangreindrar samþykktar skal vera kr. 8.000 fyrir allt árið eða hluta úr ári.

Gjalddagi er 1. mars og eindagi 1. júlí. Dráttarvextir reiknast frá gjalddaga verði gjaldið ekki greitt í síðasta lagi á eindaga.

3. gr.

Handsömunargjald samkvæmt 6. gr. framangreindrar samþykktar skal vera kr. 5.000, auk þess sem greiða skal kr. 700 í gjald fyrir hvern dag sem hundurinn er í haldi.

4. gr.

Framangreind gjaldskrá er samþykkt af bæjarstjórn Borgarbyggðar samkvæmt 25. gr. laga nr. 7/1998 um hollustuhætti og mengunarvarnir.

Gjaldskrá þessi öðlast þegar gildi.

Borgarnesi, 3. janúar 2005.

Páll S. Brynjarsson bæjarstjóri.

AUGLÝSING

um breytingu á aðalskipulagi Eyjafjarðarsveitar 1994-2014, Þverá I.

Samkvæmt 19. gr. skipulags- og byggingarlaga nr. 73/1997 hefur ráðherra þann 7. janúar 2005 staðfest breytingu á aðalskipulagi Eyjafjarðarsveitar 1994-2014, frá 26. mars 1997.

Breytingin felst annars vegar í því að 3,64 ha opið svæði til sérstakra nota (tún- og garðrækt) og opið óbyggt svæði, breytist í svæði fyrir frístundabyggð. Hins vegar breytist 23,8 ha opið svæði til sérstakra nota (tún- og garðrækt), opið óbyggt svæði og nytjaskógræktar-svæði, í frístundabyggðarsvæði.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki sveitarstjórnar Eyjafjarðarsveitar. Skipulagsstofnun hefur afgreitt erindið til staðfestingar.

Breytingin öðlast þegar gildi.

Umhverfisráðuneytinu, 7. janúar 2005.

F. h. r.

Magnús Jóhannesson.

Ingibjörg Halldórsdóttir.

AUGLÝSING

um staðfestingu á breytingu á svæðisskipulagi Eyjafjarðar 1998-2018, Þverá I og færsla reiðleiðar, Eyjafjarðarsveit.

Samkvæmt 2. mgr. 14. gr. skipulags- og byggingarlaga nr. 73/1997 hefur ráðherra þann 7. janúar 2005 staðfest breytingu á svæðisskipulagi Eyjafjarðar 1998-2018, frá 14. október 2002.

Breytingin felst í því að lega reiðleiðar frá Akureyri að Melgerðismelum breytist á kafla frá Þjóðvegi sunnan Akureyrarflugvallar og að Víðinesi gegnt Melgerðismelum. Í stað þess að liggja meðfram Eyjafjarðarbraut eystri færist hún að austurbakka Eyjafjarðarar og um leið er reiðleið með Eyjafjarðarbraut eystri frá Syðra-Laugalandi að Víðinesi felld út. Að auki er gert ráð fyrir tveimur nýjum svæðum fyrir frístundabyggð í landi Þverár I, samtals rúmlega 27 ha að stærð, á svæði sem nú er skilgreint sem landbúnaðarsvæði.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki sveitarstjórnar Eyjafjarðarsveitar. Skipulagsstofnun hefur afgreitt erindið til staðfestingar.

Breytingin öðlast þegar gildi.

Umhverfisráðuneytinu, 7. janúar 2005.

F. h. r.

Magnús Jóhannesson.

Ingibjörg Halldórsdóttir.

AUGLÝSING

um breytingu á aðalskipulagi Eyjafjarðarsveitar 1994-2014, færsla reiðleiðar.

Samkvæmt 19. gr. skipulags- og byggingarlaga nr. 73/1997 hefur ráðherra þann 7. janúar 2005 staðfest breytingu á aðalskipulagi Eyjafjarðarsveitar 1994-2014, frá 26. mars 1997.

Breytingin felst í því að lega reiðleiðar frá Akureyri að Melgerðismelum breytist á kafla frá Þjóðvegi sunnan Akureyrarflugvallar og að Víðinesi gegnt Melgerðismelum. Í stað þess að liggja meðfram Eyjafjarðarbraut eystri færist hún að austurbakka Eyjafjarðarar og um leið er reiðleið með Eyjafjarðarbraut eystri frá Syðra-Laugalandi að Víðinesi felld út.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki sveitarstjórnar Eyjafjarðarsveitar. Skipulagsstofnun hefur afgreitt erindið til staðfestingar.

Breytingin öðlast þegar gildi.

Umhverfisráðuneytinu, 7. janúar 2005.

F. h. r.

Magnús Jóhannesson.

Ingibjörg Halldórsdóttir.

AUGLÝSING

ríkisskattstjóra nr. 3/2005 um mat á verði bústofns vegna tekna og eigna í árslok 2004.

Samkvæmt 2. tl. 73. gr. laga nr. 90/2003 um tekjuskatt og eignarskatt skal telja búpening til eignar með verði er ríkisskattstjóri ákveður til eins árs í senn. Samkvæmt 3. tl. B-liðar 17. gr. reglugerðar nr. 245/1963 um tekjuskatt og eignarskatt, skal færa bústofn allan í ársbyrjun og árslok á bústofnsskýrslu með því verði sem hann er metinn til eignar í lok skattársins.

Ríkisskattstjóri hefur ákveðið eftirfarandi mat á búpeningi til eignar í árslok 2004 og sem skal færa í bústofnskafla landbúnaðarskýrslu 4.08 með skattframtali 2005.

	kr.
Mjólkurkúr	85.000
Holdakúr og naut	62.000
Kvígur, 1 1/2 árs og eldri	51.000
Geldneyti	33.000
Kálfar, yngri en 1/2 árs	9.900
Ær og sauðir	5.100
Hrútar	8.300
Gemlingar	4.600
Hross á 14. vetri og eldri	15.000
Hross á 5. – 13. vetri	30.000
Fulltamin reiðhross á 5. – 13. vetri	110.000
Önnur nýtanleg reiðhross	55.000
Verðlaunahross á 5. – 13. vetri	150.000
Kynbótahestar á 5. – 13. vetri	220.000
Verðlaunaðir kynbótahestar á 5. – 13. vetri	320.000
Tryppi á 2. – 4. vetri	10.000
Fölöld	7.000
Hænsni, eldri en 6 mánaða	750
Varphænsni 6 mánaða og yngri	460
Kjúklingar	150
Endur	680
Gæsir	1.200
Kalkúnar	1.700
Gyltur	30.000
Geltir	45.000
Grísir	5.000
Kanínur	2.900
Minkar: Karldýr	4.000
Kvendýr	2.500
Hvolpar	0
Refir: Karldýr og kvendýr	7.000
Hvolpar	0
Önnur ótilgreind dýr nýtt í rekstri	3.200

Reykjavík, 7. janúar 2005.

Indriði H. Þorláksson ríkisskattstjóri.

AUGLÝSING

um breytingu á aðalskipulagi Hafnarfjarðar 1995-2015, 4. áfangi íbúðarbyggðar á Völlum.

Samkvæmt 19. gr. skipulags- og byggingarlaga nr. 73/1997 hefur ráðherra þann 7. janúar 2005 staðfest breytingu á aðalskipulagi Hafnarfjarðar 1995-2015 frá 23. desember 1997. Breytingarnar varða 4. áfanga íbúðarbyggðar á Völlum og eru eftirfarandi:

- Afmörkun íbúðarsvæðis breytist.
- Opið svæði milli íbúðarsvæða breytist í íbúðarsvæði.
- Afmarkað er nýtt opið svæði til sérstakra nota sem nýtur hverfisverndar. Í hverfisverndinni felst að hvorki má raska landslagi né gróðri og allar framkvæmdir eru háðar framkvæmdaleyfi.
- Meginönguleiðum er breytt til samræmis við ofangreindar breytingar.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Hafnarfjarðar. Skipulagsstofnun hefur afgreitt erindið til staðfestingar.

Breytingin öðlast þegar gildi.

Umhverfisráðuneytinu, 7. janúar 2005.

F. h. r.

Magnús Jóhannesson.

Ingibjörg Halldórsdóttir.

GJALDSKRÁ

um fráveitu- og rotþróargjald í Sveitarfélaginu Ölfusi fyrir árið 2005.

1. gr.

Bæjarstjórn Sveitarfélagsins Ölfuss er heimilt að leggja á sérstakt holræsagjald (fráveitu- og rotþróargjald) skv. samþykkt um fráveitur fyrir Sveitarfélagið Ölfus nr. 60/2004.

2. gr.

Hverjum þeim sem á hús eða húshluta í lögsagnarumdæmi Sveitarfélagsins Ölfuss eða leigir lóð í sveitarfélaginu við götu eða opið svæði sem holræsi hefur verið lagt í, ber að greiða árlegt holræsagjald til bæjarsjóðs. Holræsagjaldi skal varið til þess að standa straum af kostnaði við fráveitu Sveitarfélagsins Ölfuss.

Álagningarstofn holræsagjalds skal vera fasteignamat húsa, mannvirkja, lóða og landa. Upphæð holræsagjaldsins skal vera 0,17% af fasteignamati samkvæmt lögum um skráningu og mat fasteigna nr. 94/1976, með síðari breytingum. Sé ekkert mannvirki á lóð, greiðist ekkert holræsagjald.

3. gr.

Holræsagjald greiðist af skráðum hús- og íbúðareiganda, lóðareiganda ef um eignarlóð er að ræða, en af leigutaka ef um leigulóð er að ræða og bera þessir aðilar ábyrgð á greiðslu gjaldsins. Holræsagjaldið má taka lögtaki og má gera lögtak í hinni gjaldskyldu eign án tillits til eigendaskipta. Nýtur holræsagjaldið lögveðréttar í lóð og mannvirkjum næstu tvö ár eftir gjalddaga með forgangsrétti fyrir hvers konar samningsveði og aðfararveði.

4. gr.

Gjalddagar holræsagjalds skulu vera þeir sömu og bæjarstjórn Sveitarfélagsins Ölfuss ákveður fyrir fasteignaskatt og skal innheimta holræsagjaldið með fasteignasköttum.

Gjaldskrá þessi, sem samin er og samþykkt af bæjarstjórn Sveitarfélagsins Ölfuss, staðfestist hér með samkvæmt 25. gr. laga nr. 7/1998 um hollustuhætti og mengunarvarnir, til þess að öðlast gildi við birtingu.

Ölfusi, 10. janúar 2005.

Ólafur Áki Ragnarsson bæjarstjóri.

GJALDSKRÁ

fyrir hundahald í Sveitarfélaginu Ölfusi árið 2005.

1. gr.

Gjald fyrir að halda hund í Sveitarfélaginu Ölfusi sbr. b-lið 2. gr. samþykktar um hundahald í Sveitarfélaginu Ölfusi skal vera kr. 7.950 á árinu 2005.

Gjaldið greiðist á gjalddaga, 1. maí en eindagi er 31. maí.

2. gr.

Handsömunargjald skv. b-lið 2. gr. sömu samþykktar skal vera kr. 3.400 í fyrsta skipti en síðan hækkar það í kr. 5.000 ef til handsömunar kemur aftur innan sex mánaða frá fyrri handsömun.

3. gr.

Um vexti af vangreiddum gjöldum skv. gjaldskrá þessari gilda almennar reglur.

4. gr.

Gjaldskrá þessi er samþykkt af bæjarstjórn Sveitarfélagsins Ölfuss með tilvísun til heimildar í samþykkt um hundahald í Sveitarfélaginu Ölfusi nr. 772/1999 og gildir fyrir árið 2005.

Ölfusi, 10. janúar 2005.

Ólafur Áki Ragnarsson bæjarstjóri.

GJALDSKRÁ

fyrir sorphirðu í Sveitarfélaginu Ölfusi fyrir árið 2005.

1. gr.

Bæjarstjórn Sveitarfélagsins Ölfuss er heimilt að leggja á sérstakt sorphirðugjald (sorphreinsi- og sorpeyðingargjald) og skal gjaldið innheimtast með fasteignagjöldum, samanber samþykkt um sorphirðu í Sveitarfélaginu Ölfusi dagsett 27. janúar 2000.

2. gr.

Gjaldið er árlegt sem hér segir:

- Íbúðarhús hver pokaening (einn poki vikulega eða tveir poka hálfsmánaðarlega) kr. 10.890 fyrir hverja sérmetna fasteign er heimilt að leggja á vegna viðbótar pokaeningu kr. 7.260.
- Atvinnuhúsnæði pokaening kr. 14.980 fyrir hvern poka.
- Öll fyrirtæki lögaðila og annarra sem hafa með höndum starfsemi sem krefst sorphreinsunar og/eða sorpeyðingar, skal leggja á sorpeyðingargjald og/eða sorphreinsunargjald, samkvæmt eftirfarandi:

	<i>Sorpeyðingargjald</i>	<i>Sorphreinsunargjald</i>
1. flokkur	10.440	41.730
2. flokkur	20.880	83.460
3. flokkur	41.750	166.930
4. flokkur	83.500	333.860
5. flokkur	166.990	667.700
6. flokkur	250.490	1.001.560

Bæjarstjórn raðar aðilum í gjaldflokka eftir áætluðu magni úrgangs. Heimilt er að fella sorphreinsunargjald niður hafi aðilar samning um sorphreinsun við flutningsaðila sem Sveitarfélagið Ölfus samþykkir, enda hafi viðkomandi flutningsaðili útbúnað er hæfir verkinu.

3. gr.

Fyrirtæki, lögaðilar og aðrir sem hafa með höndum starfsemi og koma með sorp á sorpmóttökustað sveitarfélagsins í Þorlákshöfn skulu greiða móttöku- og sorpeyðingargjald samkvæmt magni.

Gjaldskrá er árleg sem hér segir:

Flokkur A (Efni með úrvinnslugjaldi og önnur efni sem ekki hafa kostnað í för með sér)	
Rúlluplast	0 kr./m ³
Hjólbarðar	0 kr./m ³
Spilliefni	0 kr./m ³
Fernur	0 kr./m ³
Skilagjaldsskyldar umbúðir	0 kr./m ³
Föt	0 kr./m ³
Bílar	Skilagjald samkvæmt reglugerð
Flokkur B (Endurvinnanlegt efni) 8 kr./kg eða	2000 kr./m ³
Málmar	2000 kr./m ³
Pappír	2000 kr./m ³

Timbur	2000 kr./m ³
Garðaúrgangur	2000 kr./m ³
Veiðarfæri	2000 kr./m ³
Kaðlar	2000 kr./m ³
Flokkur C (Blandað óendurvinnanlegt). 16 kr./kg eða	4000 kr./m ³
Heimilisúrgangur	4000 kr./m ³
Rekstrarúrgangur	4000 kr./m ³
Byggingarúrgangur	4000 kr./m ³

4. gr.

Gjaldskrá þessi sem er samin og samþykkt af bæjarstjórn Sveitarfélagsins Ölfuss er hér með staðfest samkvæmt 5. mgr. 25. gr. laga nr. 7/1998, um hollustuhætti og mengunarvarnir, til þess að gilda fyrir árið 2005.

Ölfusi, 10. janúar 2005.

Ólafur Áki Ragnarsson bæjarstjóri.

GJALDSKRÁ

fyrir sorphirðu í Snæfellsbæ.

1. gr.

Bæjarstjórn Snæfellsbæjar er heimilt að leggja á sérstakt gjald vegna hirðingar og eyðingar sorps í Snæfellsbæ.

2. gr.

Bæjarstjórn Snæfellsbæjar er heimilt að leggja á sérstakt árlegt sorphirðugjald (sorp-hreinsi- og sorpeyðingargjald) og gámagjald, sem innheimta skal með fasteignagjöldum.

3. gr.

Gjaldið greiðist árlega sem hér greinir:

- Íbúðir í þéttbýli og dreifbýli þar sem sorphreinsun fer fram kr. 9.350 í sorphirðugjald og kr. 7.770 á íbúð í sorpeyðingargjald.
- Sumarbústaðir þar sem sorphirða fer ekki fram kr. 2.600 á bústað í sorpeyðingargjald og kr. 4.100 á bústað í gámagjald

4. gr.

Fyrir flokkaðan brotamálm greiðast kr. 7.190 fyrir tonnið, ekki mega vera neinar olíur, eldsneyti né kælivökvi á vélum. Fyrir flokkaðan brotamálm greiðast kr. 5.466 fyrir hvern rúmmetra.

Fyrir bílhæ greiðast kr. 3.560 fyrir stykkið.

Fyrir flokkað timbur greiðast kr. 5.752 fyrir tonnið.

Fyrir flokkað timbur greiðast kr. 3.013 fyrir rúmmetra.

Fyrir grófan úrgang (steypu- og múrbrot, gler, jarðveg o.fl.) greiðast kr. 890 á rúmmetra.

Fyrir blandað pressanlegt sorp greiðast kr. 2.657 fyrir rúmmetra, sé það sorp blandað ópressanlegum úrgangi sem nemur allt að 1/4 hluta farms greiðast kr. 10.641 fyrir hvern rúmmetra og verði hlutfall ópressanlegs úrgangs hærra en 1/4 hluta farms greiðast kr. 13.229 fyrir hvern rúmmetra.

Fyrir blandað pressanlegt sorp greiðast kr. 2.657 fyrir rúmmetra.

Fyrir fiskikör greiðast kr. 12 kr. á kílógramm.

Fyrir netaafskurð greiðast kr. 14 kr. á kílógramm.

Fyrir nálar greiðast kr. 10.383 kr. á rúmmetra.

Fyrir lyf greiðast kr. 400 kr. á lítra.

Fyrir framköllunarvökva greiðast kr. 96 kr. á lítra.

Fyrir silfur greiðast kr. 510 kr. á lítra.

Virðisaukaskattur er innifalinn í verði skv. þessari grein.

5. gr.

Tekið er á móti spilliefnum án endurgjalds.

6. gr.

Almennir borgarar geta afhent allt að tveimur rúmmetrum af forflokkuðum úrgangi í einu án þess að greiða sérstaklega fyrir það.

7. gr.

Innheimta samkvæmt 4. gr. er gerð með sérstökum reikningi, eindagi er 15 dögum eftir útskrift reiknings.

Gjaldskrá þessi sem er samin og samþykkt af bæjarstjórn Snæfellsbæjar þann 9. desember 2004 er hér með staðfest samkvæmt 18. gr. laga nr. 81/1988 um hollustuhætti og heilbrigðiseftirlit ásamt síðari breytingum til að öðlast þegar gildi.

Snæfellsbæ, 11. janúar 2005.

Kristinn Jónasson bæjarstjóri.

GJALDSKRÁ

um byggingarleyfisgjöld og gjöld tengd þeim í Snæfellsbæ.

1. gr.

Almennt.

Bæjarstjórn er heimilt að innheimta gjöld fyrir þau leyfi sem hún veitir. Jafnframt er heimilt að innheimta gjöld fyrir útmælingu, eftirlit, úttektir og vottorð sem byggingarfulltrúi lætur í té.

2. gr.
Gjöld.

Gjöld er greiðist til bæjarsjóðs, sbr. 1. gr., hækka um 5% og eru eftirfarandi:

1. Fastagjald	4.652 kr.
2. Byggingarleyfisgjald	27 kr./m ³
3. Stöðuleyfi (hámark eitt ár í senn)	5.628 kr.
4. Úttektargjald (hver úttekt)	5.030 kr.
5. Vottorð um byggingarstig	4.867 kr.
6. Mælingargjald (þéttbýli)	29.810 kr.
7. Mælingargjald (dreifbýli)	15.089 kr.
8. Yfirferð eignaskiptayfirlýsinga (eldri hús)	16.223 kr.

Skýringar við ofangreind gjöld:

1. Umfjöllunargjald skipulags- og byggingarnefndar.
2. Gjald vegna yfirferðar byggingarfulltrúa á teikningum og útgáfu byggingarleyfis, rúmmálið reiknast skv. ÍST 50.
3. Stöðuleyfi skv. 71. gr. byggingarreglugerðar.
4. Úttektir í samræmi við 53. gr. skipulags- og byggingarlaga og 48. gr. byggingarreglugerðar.
5. Útgáfa vottorða t.d. fokheldisvottorð.
6. Útsetning lóða og fasteigna (fyrsta útsetning innifalin í gatnagerðargjaldi).
7. Útsetning nýbyggingar.
8. Yfirferð skráningartöflu og eignaskiptayfirlýsingar eldri húsa (innifalið í byggingarleyfisgjaldi vegna nýbygginga).

3. gr.

Greiðslur gjalda.

Fastagjald og byggingarleyfisgjald skal vera greitt eða um það samið áður en byggingarleyfi er gefið út. Gjöldum skv. 53. gr. skipulags- og byggingarlaga fylgir lögveð í viðkomandi fasteign eða lóð og má innheimta gjaldfallin gjöld með fjárnámi sbr. 55. gr. skipulags- og byggingarlaga.

4. gr.

Gildistaka.

Gjaldskrá þessi er sett af bæjarstjórn Snæfellsbæjar, þann 9. desember 2004 með stoð í lögum nr.73/1997 og öðlast gildi þegar í stað.

Snæfellsbæ, 11. janúar 2005.

Kristinn Jónasson bæjarstjóri.

GJALDSKRÁ

fyrir Vatnsveitu Snæfellsbæjar.

Gjaldskrá fyrir Vatnsveitu Snæfellsbæjar er byggð á lögum nr. 81/1991 ásamt síðari breytingum og reglugerð fyrir vatnsveitur sveitarfélaga nr. 421/1992 ásamt síðari breytingum.

1. gr.

Vatnsgjald A húsnæðis er 0,33 hundraðshlutar af fasteignamati.

Vatnsgjald B húsnæðis er 0,4 hundraðshlutar af fasteignamati.

Vatnsgjald verslunar- og skrifstofuhúsnæðis er 0,33 hundraðshlutar af fasteignamati.

2. gr.

Aukavatnsskattur skal vera 14,5 krónur fyrir neysluvatn á hvern mældan eða áætlaðan rúmmetra vatns.

3. gr.

Gjaldskrá þessi sem samþykkt var af bæjarstjórn Snæfellsbæjar þann 9. desember 2004 öðlast þegar gildi við birtingu.

Snæfellsbæ, 11. janúar 2005.

Kristinn Jónasson bæjarstjóri.

GJALDSKRÁ

fyrir hundahald í Snæfellsbæ.

1. gr.

Árgjald vegna hundahalds, sbr. c. lið 2. gr. samþykktar nr. 384/1995 um hundahald í Snæfellsbæ, skal vera kr. 10.825.

2. gr.

Innifalið í leyfisgjaldinu er hundahreinsun, skráning, merking og ábyrgðartrygging.

3. gr.

Gjaldið greiðist á gjalddaga sem er 1. janúar ár hvert og óskipt fyrir allt tímabilið, þó eigi síðar en á eindaga sem er 31. janúar. Dráttarvextir reiknast frá gjalddaga verði gjaldið ekki greitt í síðasta lagi á eindaga

4. gr.

Handsömunargjald skv. 6. gr. samþykktarinnar er kr. 4.000.

5. gr.

Gjaldskrá þessi sem samin og samþykkt var af bæjarstjórn Snæfellsbæjar þann 9. desember 2004 er hér með staðfest samkvæmt 25. gr. laga nr. 7/1998 um hollustuhætti og heilbrigðiseftirlit ásamt síðari breytingum til að öðlast þegar gildi við birtingu.

Snæfellsbæ, 11. janúar 2005.

Kristinn Jónasson bæjarstjóri.

GJALDSKRÁ

fyrir sorphirðu í Eyjafjarðarsveit.

1. gr.

Eyjafjarðarsveit mun á árinu 2005 innheimta gjald fyrir sorphirðu í sveitarfélaginu eins og nánar er kveðið á um í gjaldskrá þessari.

2. gr.

Gjaldið miðast við stærð íláta (magn sorpsins) og tæmingu á tveggja vikna fresti. Hverjum húsráðanda er skylt að nota það ílát, sem sveitarstjórn ákveður og hentar magni þess úrgangs sem til fellur á hverjum stað sbr. heimild í 9. gr. samþykktar nr. 541/2000, um sorphirðu sveitarfélaga á Norðurlandi eystra.

3. gr.

Árið 2005 verður sorphirðugjald sem hér segir:

A. Fyrir tæmingu á 240 l íláti	kr. 11.850
B. Fyrir tæmingu á 500 – 660 l íláti	kr. 18.495
C. Fyrir tæmingu á 1100 l íláti	kr. 42.970

4. gr.

Eigendur sumarbústaða skulu á árinu 2005 greiða kr. 3.210 í sorphirðugjald enda sé þeim gert kleift að losa sig við sorp á gámasvæðum sem skulu vera að lágmarki þrjú í sveitarfélaginu.

5. gr.

Á árinu 2005 skulu þeir, sem skv. sérstökum samningi við sveitarfélagið, stunda jarðgerð á lífrænum heimilisúrgangi njóta 3.000 kr. afsláttar af sorphirðugjaldi.

6. gr.

Sorphirðugjald skal álagt og innheimt með fasteignaskatti og öðrum fasteignagjöldum og nýtur gjaldið lögveðs í fasteign þeirri, sem það er lagt á sbr. lög um tekjustofna sveitarfélaga nr. 4/1995, með síðari breytingum.

7. gr.

Gjaldskrá þessi var samþykkt á fundi sveitarstjórnar Eyjafjarðarsveitar þann 21. desember 2004 sbr. heimild í 8. gr. samþykktar um sorphirðu sveitarfélaga á Norðurlandi eystra, nr. 541/2000, sbr. einnig lög nr. 55/2003, um meðhöndlun úrgangs, og lög nr. 7/1998, um hollustuhætti og mengunarvarnir með síðari breytingum. Gjaldskráin hefur jafnframt verið samþykkt af Heilbrigðiseftirliti Norðurlands eystra og tekur þegar gildi.

Eyjafjarðarsveit, 11. janúar 2005.

Bjarni Kristjánsson sveitarstjóri.

GJALDSKRÁ

fyrir hreinsun og losun rotþróa í Eyjafjarðarsveit.

1. gr.

Fyrir hreinsun og losun rotþróa í Eyjafjarðarsveit skal húseigandi greiða árlegt þjónustugjald, rotþróargjald, sbr. 4. gr. samþykktar nr. 671/2003, um hreinsun og losun rotþróa á starfssvæði heilbrigðisnefndar á Norðurlandi eystra að undanskildum Húsavíkurbæ.

2. gr.

Þróargjald fyrir árið 2005 skal vera kr. 5.563 fyrir þrær undir 3600 l að rúmmáli og kr. 8.494 fyrir 3.600 l þrær eða stærri.

3. gr.

Gjaldskrá þessi, sem samþykkt var af sveitarstjórn Eyjafjarðarsveitar 21. desember 2004, sbr. heimild í 25. gr. laga nr. 7/1998, um hollustuhætti og mengunarvarnir, með síðari breytingum, hefur jafnframt verið samþykkt af Heilbrigðiseftirliti Norðurlands eystra og tekur þegar gildi.

Eyjafjarðarsveit, 11. janúar 2005.

Bjarni Kristjánsson sveitarstjóri.

SKIPULAGSSKRÁ

fyrir Framfarasjóð Þjóðminjasafns Íslands.

1. gr.

Stofnendur o.fl.

Sjóðurinn heitir Framfarasjóður Þjóðminjasafns Íslands. Heimili hans og varnarþing er að Suðurgötu 41, 101 Reykjavík. Stofnendur sjóðsins eru Landsvirkjun, Bakkavör, KB banki, VÍS. Sjóðurinn starfar á grundvelli laga nr. 19/1988, um sjóði og stofnanir sem starfa samkvæmt staðfestri skipulagsskrá.

2. gr.

Tilgangur og markmið.

Markmið sjóðsins er að ná öflugri tengingu við atvinnulífið og íslenskt samfélag á hverjum tíma með því að leita leiða til fjármögnunar, þ.e. að afla fjár í samstarfi við atvinnulífið og á annan hátt. Einnig að styrkja ímynd Þjóðminjasafns Íslands. Ráðstafa skal úr sjóðnum í samræmi við tilgang hans. Stjórnin ráðstafar fé sjóðsins og ákveður úthlutun í samræmi við tillögur Þjóðminjasafns til verkefna sem leiði til framfara Þjóðminjasafns Íslands.

3. gr.

Stjórn sjóðsins.

Stjórn sjóðsins skipa þrír menn, tilnefndir til þriggja ára í senn. Þjóðminjasafnið tilnefnir stjórnarmenn og varamenn þeirra sem skulu vera tveir. Leitast skal við að í stjórn eigi sæti þjóðminjavörður, einn aðili úr forystusveit Þjóðminjasafnsins og einn frá atvinnulífnum. Þess skal gætt að þegar ný stjórn tekur við sitji í henni a.m.k. einn stjórnarmaður úr fyrri stjórn sjóðsins. Stjórnarstörf eru ólaunuð.

4. gr.

Stofnframlag.

Stofnfé sjóðsins nemur kr. 45.000.000, fjórtíuogfimmilljónir íslenskra króna, þar af er óskerðanlegt stofnfé að lágmarksfjárhæð kr. 700.000, sjöhundruðþúsund íslenskra króna að raungildi. Stofnféð er lagt fram af stofnendum, Bakkavör, KB banka og VÍS í jöfnum hlutföllum, kr. 15.000.000, fimmtánmilljónir íslenskra króna.

5. gr.

Tekjur sjóðsins.

Tekjur sjóðsins eru framlög og gjafir sem sjóðnum berast, vextir og aðrar fjármagnstekjur, auk annarra tekna.

6. gr.

Ráðstöfun fjár.

Ráðstafa skal úr sjóðnum í samræmi við tilgang hans. Stjórnin ráðstafar fé sjóðsins og ákveður úthlutun í samræmi við tillögur Þjóðminjasafns til verkefna sem leiði til framfara Þjóðminjasafns Íslands. Óheimilt er að skerða óskerðanlegt stofnfé.

Stjórn sjóðsins skal halda fundargerðabók um það sem gerist á fundum.

Stjórnin skal setja sér starfsreglur þar sem nánar er kveðið á um starfshætti stjórnarinnar og úthlutun framlaga úr sjóðnum.

7. gr.

Ávöxtun og rekstur.

Sjóðurinn hefur sjálfstæðan fjárhag. Stjórn sjóðsins ber ábyrgð á fjárreiðum sjóðsins og ávöxtun fjármuna hans. Kostnaður við rekstur sjóðsins greiðist af fjármunum hans.

Reikningsár sjóðsins er almanaksárið og reikningar hans skulu endurskoðaðir af lög-giltum endurskoðanda.

8. gr.

Breytingar á skipulagsskrá og ákvörðun um slit.

Allar breytingar á skipulagsskrá sjóðsins skulu samþykktar af meirihluta stjórnar. Ákvörðun um að leggja sjóðinn niður skal tekin á sama hátt.

Verði sjóðurinn lagður niður skal stjórn gera upp skuldir og eignir og slíta svo rekstri hans. Eignum skal ráðstafað til sambærilegrar starfsemi eða þær lagðar fram sem stofnfé í nýjan sjóð sem hefur skyld markmið.

Leita skal samþykkis dómsmálaráðuneytisins fyrir breytingum á skipulagsskrá sjóðsins eða slitum á honum.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 7. janúar 2005.

F. h. r.

Hjalti Zóphóníasson.

Bryndís Helgadóttir.

Nr.	Dagsetning	Fyrirsögn	Blaðsíðutal
27	3. jan.	Gjaldskrá fyrir sorphirðu og sorpeyðingu í Sveitarfélaginu Árborg	32
28	3. jan.	Auglýsing um breytingu á lágmarksupphæð stofnfjár sjóðs eða stofnunar sem starfar samkvæmt staðfestri skipulagsskrá	33
29	3. jan.	Auglýsing fjármálaráðherra um álagningu opinberra gjalda á árinu 2005	33
30	12. jan.	Reglugerð um friðun hrygningarþorsks og skarkola á vetrarvertíð	34-36
31	3. jan.	Gjaldskrá fyrir gatnagerðargjald, stofngjald holræsa, stofngjald vatnsveitu, byggingarleyfis- og þjónustugjöld í Sveitarfélaginu Árborg	36-39
32	6. jan.	Reglur um skattmat vegna tekna manna tekjuárið 2005	40-45
33	7. jan.	Reglugerð um breytingu á reglugerð nr. 990/2001, um greiðslu vaxtabóta, með síðari breytingum	45-46
34	3. jan.	Gjaldskrá fyrir söfnun, förgun, móttöku og flokkun sorps í Borgarbyggð	47
35	3. jan.	Gjaldskrá fyrir fráveitugjald og tæmingu rotþróa í Sveitarfélaginu Árborg	48
36	5. jan.	Reglur um skráningu einstaklinga, sem andmæla því að nöfn þeirra séu notuð í markaðssetningarstarfsemi og notkun slíkrar skrár	49-50
37	2. jan.	Gjaldskrá fyrir stofngjald fráveitu, fráveitugjald og rotþróargjald í Borgarbyggð	50-51
38	7. jan.	Auglýsing ríkisskattstjóra nr. 2/2005 um reikning fyrninga og vaxta vegna fjármögnunarleigu fólksbifreiða skv. 4. tölul. 50. gr. laga nr. 90/2003, um tekjuskatt og eignarskatt	51
39	3. jan.	Gjaldskrá fyrir undanþágu frá banni við hundahaldi í Borgarnesi árið 2005	52
40	7. jan.	Auglýsing um breytingu á aðalskipulagi Eyjafjarðarsveitar 1994-2014, Þverá I	52
41	7. jan.	Auglýsing um staðfestingu á breytingu á svæðisskipulagi Eyjafjarðar 1998-2018, Þverá I og færsla reiðleiðar, Eyjafjarðarsveit	53
42	7. jan.	Auglýsing um breytingu á aðalskipulagi Eyjafjarðarsveitar 1994-2014, færsla reiðleiðar	53
43	7. jan.	Auglýsing ríkisskattstjóra nr. 3/2005 um mat á verði bústofns vegna tekna og eigna í árslok 2004.....	54
44	7. jan.	Auglýsing um breytingu á aðalskipulagi Hafnarfjarðar 1995-2015, 4. áfangi íbúðarbyggðar á Völlum	55
45	10. jan.	Gjaldskrá um fráveitu- og rotþróargjald í Sveitarfélaginu Ölfusi fyrir árið 2005	55-56
46	10. jan.	Gjaldskrá fyrir hundahald í Sveitarfélaginu Ölfusi árið 2005	56
47	10. jan.	Gjaldskrá fyrir sorphirðu í Sveitarfélaginu Ölfusi fyrir árið 2005.	57-58
48	11. jan.	Gjaldskrá fyrir sorphirðu í Snæfellsbæ	58-59
49	11. jan.	Gjaldskrá um byggingarleyfisgjöld og gjöld tengd þeim í Snæfellsbæ	59-60
50	11. jan.	Gjaldskrá fyrir Vatnsveitu Snæfellsbæjar	60-61
51	11. jan.	Gjaldskrá fyrir hundahald í Snæfellsbæ	61
52	11. jan.	Gjaldskrá fyrir sorphirðu í Eyjafjarðarsveit	62
53	11. jan.	Gjaldskrá fyrir hreinsun og losun rotþróa í Eyjafjarðarsveit	63
54	7. jan.	Skipulagsskrá fyrir Framfarasjóð Þjóðminjasafns Íslands	63-64

